



蘇州府志卷第三

城池

坊巷附

淺草文庫

左思賦吳都郭郭周匝重城結隅通門二八水道陸衢踰  
二千祀猶因舊制倚郭兼畫三縣屬城皆分土而理迹其  
設險之固常為東南望郡而坊里基布街巷綺錯其盛亦  
略可觀云


府

城古吳都城

越絕書城中  
有小城二

周敬王六年闔閭使伍子胥城之

吳越春秋闔閭謂子胥曰吾國僻遠顧在東南之地險阻潤  
濕又有江海之害內無守禦民無所依倉庫不設田疇不墾  
為之奈何子胥對曰臣聞治國之道安君理民是其上者闔  
閭曰其術奈何子胥曰凡欲安君治民興霸成王從近制遠  
者必先立城郭設守備實倉廩治兵庫斯則其術也闔閭曰  
善夫築城郭立倉庫因地制宜豈有天氣之數以威鄰國者



乎子胥曰有闔閭曰寡人委計於子子胥乃使相土嘗水象  
 天法地造築大城周迴四十七里陸門八以象天八風水門  
 八以象地八卦築小城周十里越絕書吳大城周四十七里  
 二百一十步二尺陸門八其二有樓水門八南面十里四十  
 二步五尺西面七里百一十二步三尺北面八里二百二十  
 六步三尺東面十一里七十九步一尺吳郭周六十八里六  
 十步吳小城周十二里其下廣二丈七尺高四丈七尺門三  
 皆有樓其二增水門其一有樓一增柴路伍子胥城周九里  
 二百七十步小城東面從武里西從小城北邑中徑從闔門  
 到婁門九里七十二步陸道廣二十三步平門到蛇門十里  
 七十五步陸道廣三十步城門西曰闔吳越春秋立闔門者以  
 三步水道廣二十八步象天門通闔闔風也闔  
 閭欲西破楚楚在西北故立闔門以通天氣因曰胥越絕書  
 復名之破楚門圖經續記吳屬楚復曰闔門姑胥門  
 又云胥門外有九曲路闔閭造以遊姑胥之臺以望太湖圖  
 經續記子胥居其旁民以稱焉夫差伐齊之役胥門巢將上  
 軍蓋當時以巢所居為南曰盤吳地記舊作蟠改字為盤又  
 號也門外有胥門塘云嘗有龍潛伏於此以鼓仗  
 擊逐之即今五樓門是也圖經續記以嘗刻蟠曰蛇今久廢  
 龍之狀或曰水陸相半沿洄屈曲故謂之盤

秋立蛇門者以象地戶也闔閭欲東并大越越在東南故立  
 蛇門以制敵吳在辰其位龍也故小城南門上反羽為兩鯢  
 鯢以象龍角越在巳地其位蛇也故南大門上有木蛇北向  
 首內示越屬於吳也范志吳地記謂有陸無水即與陸門八  
 之說相連但門東曰婁吳地記松江東北入海為婁江圖經  
 已廢不可考爾續記婁縣名蓋因其所道也秦謂之  
 膠漢謂曰匠亦曰將今久廢吳地記水陸二路今陸門廢出  
 之婁海道通大萊城沿松江下滬瀆闔閭使于將於  
 此置冶鑄劍圖經續記今謂之匠聲之變也盧志門南有封  
 門赤門門東南又有鮪鯨門今外濠葑婁之閭猶有匠門塘  
 其旁有歐冶北曰齊吳越春秋闔閭十年既破齊齊女為質  
 廟于將墓於吳吳為太子波聘之齊女少日夜號  
 泣成病闔閭乃造北門名曰望齊門令女往遊其上越絕書  
 闔閭伐齊取齊女為質子為造齊門置於水海虛其臺在車  
 道左水海右范志引吳地記嫁曰平亦曰巫今有平門塘通  
 太子終纍及作九層飛閣皆誤久廢吳地記水陸並通  
 出毘陵等道吳伐齊軍從此出因號平門又云巫門巫咸所  
 葬。按今東南門曰葑門古為封門圖經云取封禺二山為  
 名續記云山故屬吳郡今在吳興方言謂封曰葑葑者焚土  
 膠結可以種殖者也盧志舊志引史記正義吳世家吳東門

解云闔閭城無東門吳俗傳伍子胥見夢越軍令從東南入越乃回向三江口岸築壇祭子胥開渠自羅城東開門入吳至今猶名示浦門曰鱖鱖又伍子胥傳吳東門解云東門鱖門謂鱖門也今名葑門越軍開示浦子胥以濤蕩羅城開此門有鱖鱖隨濤入故名顧野王云鱖魚一名江豚欲風則涌據此鱖葑音相近也埤倉鱖鱖魚也說文鱖魚一名江豚鱖與鱖同陸廣微亦云葑門一名鱖鱖門今有浮墩非八門之數又云赤門今葑門非也赤門正南門也續志云南方屬火故在午位今郡城南城下有溝號水溝頭外濠水從此屈曲北入星橋視橋出淨河橋而東流近年此道湮塞乃自祝橋而西出燕家橋矣即古赤門水道也至今盤葑之間有赤門灣乃誤指蛇為赤葑承府圖而然吳地記又有栗門魴鱖門越絕書又有楚門春申君所造考之於今皆無所據故八門之名從吳地記而注葑門於其下 更秦漢迄

隋其城郭門名循而不變開皇中嘗徙城於城西南橫山下

黃山之東

揚素平江南羣盜以郡嘗被圍非設險之地欲空其舊城秦徙之

唐武德末復其

舊

圖經續記初楊素遷城於橫山也匠者以楛木為城門之柱素見之謂匠者曰此木恐非堅可閱幾年匠曰可四十

年素曰足矣是城不四十年當廢至貞觀中復舊城果如其言 乾符二年王郢之亂刺史張

擲重築羅城

吳地記羅城如亞字形南北十二里東西九里城內大河三橫四直郡郭三百餘巷

五代

梁龍德二年吳越加以磚甃高二丈四尺厚二丈五尺裏外

有濠宋政和中修治於諸故門雖已塞者皆刻名於石以志

之 圖經續記當吳時不開東面之門欲以絕越其後稍或閉塞蓋其多塗則艱於守衛幾禁也今所啓者五而已封門

陸衢中或堙塞范文正公命闢之為門往來至今大以為便范志唐時八門悉啓今惟啓五門又云閶門承平時有樓三間甚宏敞蘇舜欽嘗題詩於上今廢又云胥門今水陸二門皆塞而新始蘇臺館乃據其上。按寰宇記載宋初惟六門閶胥婁齊盤封其後胥門又廢僅存閶婁齊盤封五門閶門唐李陽冰篆額今亦亡

經建炎兵燹淳熙中知府謝師稷以郡中羨錢四十萬緡繕

完開禧中墮圯殆半池隍亦多為菱蕩稻田所侵嘉定十六

蘇州府志 卷三 城池 三  
年賜錢三萬緡米三萬石知府趙汝述沈皞相繼經度工成

為一路最史彌遠提舉常平時有意寶祐二年知府趙汝歷

倣淮郡制增置女牆補造葺婁齊三門樓景定末開慶元年

詔增修元定江南凡在城池悉許夷堙故民襍居遺堞之上

雖設五門蕩無關防至正十一年他郡盜起詔天下繕完城

郭平江路廉訪使李帖木兒乃謀於監郡六十太守高履城

之周遭開濠加深廣掘土姑蘇驛下得石鐫胥門二字重闢胥門陸路而無水門至張士

誠入據增置月城明平士誠復新其城為蘇州府城盧志自西閭門

南至胥門得六百三十九丈五尺自胥門南至盤門得三百

八十八丈七尺自盤門東至葑門得一千一百二十八丈自

葑門北至婁門得八百六十四丈二尺自婁門北至齊門得

五百八十丈自齊門西至閭門得八百九十二丈二尺五寸

總計四千四百八十二丈六尺五寸而為一萬二千二百九

十三步九分計三十四里五十三步九分濠塹深闊不等

本朝康熙元年巡撫都御史韓世琦改築城垣拓女牆今城周

四十五里長五千六百五丈高二丈八尺廣一丈八尺女牆

高六尺門仍舊制為六閭盤葑婁齊各有水陸路每門

有樓置官廳營房軍器庫凡舖一百五十七敵臺五十七雉

堞三千五十一始秦置吳縣於郡城唐析置長洲縣

本朝雍正三年又析長洲地置元和縣自是附郭有三縣

聖祖仁皇帝御製吳閶詩  
鳴鑾獨上高城望巷陌遙通水市斜土俗惟知鬪歌舞閭閻不  
解種桑麻鳥啼茂苑千年樹霜冷吳宮十月花聲教四方猶未

訖願將淳樸變繁華

元鄭元祐平江路新築郡城記吳自泰伯至壽夢而始大及王闔閭用子胥而城郭宮室遂為東南雄藩世言泰伯城僅三里二百步在今梅里平墟夫泰伯以天下讓宜其不肯自大其城也及闔閭徙都於是子胥築大城周回四十五里象天法地城邑既完府庫既充遂觀兵上國一傳至夫差而子胥以忠諫死未幾吳為越併更江左六朝以迄於唐末五季歷前後宋要皆以吳為大藩屏世祖皇帝一天下包四海為家六合為官不設險於區區城郭也至正十一年紅巾賊起汝陽明年春浙東海寇劫崑山廉訪使者朝鮮李公深惟平江賦役供國家經費什之七郡無城郭何以禦寇乃謀於監郡六十公太守高公時百需出於吳者日不暇給然築城之役則不得已於是會司屬僚佐驗民之家貲厚薄計量城之長短高下分築之罷弱戶則汰去之豪強而常時役不及者則糾率之寧夏高公為南臺御史大夫檄庸田僉事馬公董之馬公首捐官帑千錠憲漕水司總府皆捐貲以助然太平日久一旦興大工役民十餘萬當盛夏揮鋤如雲下插如雨城之大綿延數百雉漫不知何從列楨榦於是公曉以程度渠範而勉以誠慤必若是而後無善崩之憂民志既齊遂經

始於是年夏四月畢工於秋八月城四向一仍子胥之舊水門則仍宋之舊獨啓胥門上建忠孝王廟餘五門上亦皆祠神蓋役興時慮暑雨疾癘為民害乃禱於神以祈祐故列祠以答神貺城之高以尺計凡二十有三其趾三十有五疊石三層以為固城之面廣丈六尺皆甃以甃大瓦作水溝每門建戍樓以謹斥堠嚴烽燧當人馬陟降處皆列置蛾眉甬道門內外構屋設官居之以察非常城於是備矣其先又給中統鈔二百五十貫米一千斛至是合官民用財凡若干萬錠米若干萬斛城既完民大喜有依衛則又相與歎息言曰廉訪公非有一廛之宅在吳也然苦心焦思以完斯城者蓋上以為國下以為民也况吳東北瀕大海西南枕震澤於澤國四通五達之衢也郭郭之內官糧貯於廩庾者歲數百萬設城郭不完寇攘逼近將何以為國計乎今既完城以為衛繼今所以守禦之者則在乎明有司承流宣化蘇民之力以固結其心使吳民愛戴其上如子弟之親父兄夫然後其民以仁義為干櫓禮樂為甲冑人心既固則與此金城湯池併為天險於無窮也已梁吳均吳城賦古樹荒煙幾百千年云是吳王所遷東有鑄劍殘水西有舞鶴故屢榮其區之廣澤岩姑蘇之遠山僕本蓄怒于愁億恨况復荆棘蕭森叢蘿網蔓庭梧百尺皆歷地而生枝階筠萬丈或至杪而無葉不見春

花夏薰惟聞秋蟬冬蛭水魅晨走山鬼夜驚不知四海九州  
 乃復有此吳城唐虞世南吳都詩畫野通淮泗星躔映斗牛  
 玉牒宏圖表黃旗美氣浮三分開霸業萬里宅神州高臺臨  
 茂苑飛閣跨沈流江濤如素蓋海氣似珠樓吳趨自有樂還  
 似鏡中游駱賓王維舟皆楚服振策下吳畿盛德弘三讓雄  
 圖枕九圍黃池通霸業赤壁暢戎威文物俄遷謝英靈有盛  
 衰行歎鴟夷沒遽惜湛盧飛地古煙塵暗年深館宇稀山川  
 四望是人事一朝非懸劍空留信忘珠尚識機郭風遙可託  
 關月渺難依西北雲逾滯東南氣轉微徒懷伯鸞隱多謝買  
 臣歸惟有荒臺路薄暮濕征衣崔融吳門洛浦問吳潮吳門  
 草色饒晚煙楊柳岸春水木蘭橈城邑南溟近星辰北斗遙  
 無因生羽翼輕舉託還鷗李紳過吳門煙水吳都郭閭門駕  
 碧流綠楊深淺巷青翰往來舟朱戶千門室丹楹百處樓水  
 光搖極浦草色辨長洲憶作麻衣客曾為旅櫂遊放歌隨楚  
 老清宴奉諸侯花寺聽鶯入春湖看雁留里吟傳綺唱鄉語  
 認飲謳橋轉攢虹飲波通鬪鷁浮竹屏梅園靜水檻橘園幽  
 絕渚荒廢苑穿巖破虎邱舊風猶越鼓餘俗尚吳鉤故館曾  
 開訪遺基亦遍搜吹臺山木盡香徑佛宮秋帳殿菰蒲掩雲  
 房霧露收苧蘿妖廢滅荆棘鬼包羞風月俄黃綬經過半白  
 頭重來冠蓋客非復別離愁候火分通陌前旌駐外郵水風

搖采旆堤柳引鳴騶問吏兒孫隔呼名禮數修顧瞻殊宿昔  
 語默過悲憂義感心空在容衰日不侔還持滄海詔從此布  
 皇猷白居易閶門四望鬱蒼蒼始覺州雄土俗強十萬人家  
 供課稅五千子弟守封疆閩閩城碧鋪青草烏鵲橋紅帶夕  
 陽處處樓前飄管吹家家門外泊舟航雲埋古寺山藏色月  
 耀娃宮水放光曾賞錢塘嫌茂苑今來未敢苦誇張許渾無  
 處登臨不繫情一憑春酒醉高城暫移羅綺見山色纔駐管  
 弦聞水聲花落西亭添別夢柳陰南浦促歸程前期迢遞今  
 宵短更倚朱闌待月明杜牧吳城二月春風江上來水晶波  
 動碎樓臺吳王宮殿柳含翠蘇小宅房花正開解舞細腰何  
 處住能歌姹女逐誰回千秋萬古無消息國作荒原人作灰  
 宋蘇舜欽題閶門樓年華冉冉催人去雲物蕭蕭又變秋家  
 在鳳凰山下住江山何事苦相留夜出盤門紺袖暮見黃金  
 鈎珠璣磊落澄不流紛紛媚景動波上的的遠勢生沙頭前  
 山漸昏漁唱息唯有疎葦吟窮秋予方弭楫對此景時欲乘  
 興長城遊青娥蕩槳忽遠至雖有雅約猶懶羞綵舟鮮明四  
 窓闌蘭耐辛滑佳賓留歌餘清冽貫衆耳笑動姿采生香幘  
 玉盤鱸鱸光一色餽簇肴核隨所搜河斜參倒氣愈浩我起  
 飲子子必酬共知此會不易得邂逅得此難再求區區才知  
 自勞役擾擾塵俗多悲憂已醉更歌更起舞明日分散空離

蘇州府志 卷三 城池  
愁王安石姑胥郭誤褫雲巾別故山抵吳由越兩間關千家  
漁火秋風市一葉歸舟暮雨灣旅病悠悠如困酒鄉愁脉脉  
似連環情知帶眼從前緩更恐顛毛自此斑范成大閩門初  
泛好在馳煙路平生載酒行摧藏身久病契闊歲頻更昨夜  
燈花曉今朝稻把晴出門新夢境觸目舊詩情水遠推蓬眩  
天寬倚柁驚轉灣添絳挽罨岸併篙撐舫後裝兒女艫前酌  
弟兄醉香新麴嫩茗味小春輕紅縹分霜果黃蕩撚夕英纈  
林疎露屋朱閣靜臨城桃塢論今昔楓橋管送迎山腰樵擔  
動木末酒旗明竟日密煙直中流塔影橫數帆殘照滿一笛  
暮江平曬網楓邊桁牽罾柳際柳岫雲縈石住田水穴隄鳴  
過渡牛歸速穿籬犬吠鯨魚寒猶作陣雁遠更聞聲急櫓潮  
痕出踈鐘暝色生鄰翁欣問訊逋客愧寒盟一昨成歸臥於  
今負耦耕生涯都塌颯心曲漫呼噪猿鶴休多怨菰葦尚可  
羹藥囊吾厭苦扶憊且班荆晚入盤門人語嘲喧晚吹涼萬  
窓燈火轉河塘兩行碧柳籠官渡一簇紅樓壓女牆何處採  
菱聞度曲誰家拜月認飄香輕裘駿馬慵穿市困倚蒲團入  
醉鄉文天祥吳門樓臺俯舟檝城郭滿干戈故吏歸心少遺  
民出涕多鳩居無鵲在魚網有鴻過遂使睢陽志安危今若  
何元趙孟頫夜發吳門吳樹依依吳水流吳中舟楫好夷猶  
多情最是吳門月又送行人下秀州明張羽吳門懷古片帆

迢遞入吳煙竹澹蘆洲斷復連柳影濃遮官道上蟬聲多傍  
釋樓前近湖漁舍皆懸網向浦人家盡種蓮行到吳王夜遊  
處滿川芳草獨堪憐徐有貞閩門城樓初成郡守劉公瑀宴  
余樓上卽席賦閩闔門開近帝州麗譙新建倚高秋人閒看  
盡三千界天上移來十二樓往事名傳吳伍相平生心在漢  
留侯斗牛宮闕當頭是何必乘槎海外遊碧城樓子聳晴空  
聲震江山鼓角雄高下亭臺花霧裏往來舟楫水雲中賦才  
世已無王粲飲興時應有庾公雙手可將紅日捧扶桑只在  
畫闌東王整與乘之登郡城樓城上高樓偶共過吳王國裏  
舊山河一春風雨行游少千古興亡感慨多遠近人家煙欲  
暝東西樹影水微波滄浪一曲入歸去落日牛羊上淺坡唐  
寅閩門卽事世間樂土是吳中中有閩門又擅雄翠袖三千  
樓上下黃金百萬水西東五更市賈何曾絕四遠方言總不  
同若使畫師描作畫畫師應道畫難工齊門散步吳王城裏  
柳成畦齊女門前水拍堤賣酒當壚人孌娜落花流水路東  
西平頭衣襪和鞋試弄舌鉤靴繞樹啼此是吾生行樂處若  
爲詩句不留題本朝高士奇和御製吳閩原韻吳閩舊  
誌稱名勝帆影城隈幅幅斜民望雲霓方擁轍詔頒雨露  
見宣麻衝疲宿畝艱雙穗綺豔晴洲競百  
花虎阜更傳徵逐地宸心軫念戒紛華



崑山縣城新陽縣附焉舊惟樹竹木為柵至宋猶然

按元和郡縣志城吳

壽夢築唐光化初吳越將顧全武帥兵攻秦裴於此引水灌之城壞乃降是縣故有城宋時城已堙也

元元貞

二年為州城延祐初徙城太倉至正十七年復舊治時方園

珍犯境始築土城禦之周二千二百九十九丈計一十二里

二百七十八步高一丈八尺濠深五尺廣六尺有東西南北

東南西南凡六門

五門皆有水陸路惟西無水門

明復為縣城弘治四年知

縣楊子器建門樓名東曰賓曦

俗稱東門

西曰留暉

俗稱大西門

南曰

朝陽北曰拱極

後改拱辰俗稱北門

東南曰迎薰

俗稱東南門

西南曰麗澤

俗稱小西門嘉靖中知縣朱伯宸移門樓在水關東以形家言不利學官也

嘉靖十七年始甃以

磚石周一十二里長二千三百八十七丈高二丈八尺雉堞

四千五百八十七濠如舊

先是縣人都御史周倫嘗疏請築城至是縣人大學士顧鼎臣復建

議巡撫歐陽鐸等因於沿海州縣次第興築而崑山為之首及倭寇至城得完守鄉民徙入城者皆賴以免崇禎

中知縣董世培修

時縣人太學生周公瓚輸金市巨石鎮堞上

本朝因之雍正三年分朝陽門東歷迎薰門至賓曦門屬新陽

明方鵬崑山縣築城記崑山為蘇之屬邑城之有無古莫可考五代時為盜所據官兵灌城而降則知嘗有土城宋時圍以木柵則知土城亦廢元末海寇猖獗始築土城禦之歷歲既久漸復於隍識者與歎侍御陳公蕙按節至奮欲改築乃謀於巡撫都御史歐陽公鐸郡守王公儀共圖堅久不壞之規以為奠國庇民永遠無窮之利既而陳公親履其地指授方略今侍御趙公繼本代之保障之心益切而勸懲之典益密矣縣尹鮑君龍兼總諸務克殫厥心其財無取諸民取諸郡邑公帑之餘其役無勞諸民凡子來者償其值富而樂助者旌其義有罪而矜疑者聽其贖焉自嘉靖己亥二月始事即故城址而更築之萬夫爭先入木於土累石於足封磚於表大異前觀矣其為早門有六其為水門有五而樓櫓之峻

扁鑰之嚴亦罔不備計用白金四萬八千餘兩至明年五月庚子告成於是公私底寧內外咸靖如震鄰之有旃幪反側之措狂席亦曰休哉雖然築之固難保之尤難吏茲土者他日遇不測之驚必將竭忠秉節與民守之庶不負斯城矣不然雖金湯之險於我國我民何賴焉此又諸公所深望於後人者也

常熟縣城昭文縣附焉初晉太康四年置海虞縣因孫吳虞咸農都尉署

康七年分海虞置南沙縣沙中地罷司鹽都尉署置梁大同六年以南沙

為常熟隋平陳海虞南沙入常熟治南沙城唐武德七年移

於海虞城即今虞山下城也至宋猶列竹木為柵圖經周二百二十步

高一丈厚四尺建炎中知縣李闔之始建門五東曰行春西曰秋報

南曰承流北曰宣化東北曰介福元元貞二年為州城至正

十七年築土城周一萬四千八百四丈高二丈五尺厚一丈

四尺門十一西門水陸二小西門一南門水陸二小南水張門一東門水陸二北門水陸二小北門陸一

士誠自福山入據平江重築常熟城甃以磚周九里三十步

高二丈二尺厚一丈二尺更闢小東門明復為縣城改承流

門曰阜民宣化曰拱辰俗稱北旱門介福曰通江俗稱北水門行春秋

報如故名小東門曰阜安永樂中歲大祲饑民夜盜城磚以

易食城日毀嘉靖三十二年倭警知縣王鈇修築時富室譚氏有獄輸

白金五萬兩倚以集事詳見雜記高其垣二尺為門七名南門曰翼京北水

門曰望洋陸曰鎮海西門曰阜成大東門曰賓湯小東門曰

迎春西北門曰虞山惟西北二門枕山餘五門裏外各深其

濠萬歷二十二年知縣張集義復加高至二丈五尺內甃馬

路三十四年知縣耿橘改望洋門曰鎮海鎮海曰鎮江虞山

曰鎮山

鎮山後以形餘如故家言門不啓

本朝因之康熙十九年水圯城數百丈副使劉鼎知縣高士鵝

繕完雍正三年分鎮江門東歷鎮海賓湯二門至迎春門屬

昭文八年昭文知縣勞必達改鎮海門曰望海

明瞿景淳重修常熟縣城

記姑蘇為南都輔郡領州縣凡八我常熟居一其域北控大江東漸瀛海寔維府治後戶經略疎密厥係匪輕縣故有城久廢不治每有寇竊居人不寧一時守土之臣與一二縉紳亦時議修築多撓浮議幸事稍平輒棄置不復講率以為常邇來倭夷倡亂為毒不少我一二縉紳乃以城事白邑令王公王公讓曰城吾責也然不敢專將聽命焉乃白郡守林公林公亦曰茲邑邇江而不城是延寇也遂以次進白當事諸公先是巡按御史孫公陳海防事宜以上海嘉定常熟俱界海濱係要衝而無城可守已具疏於朝迨縉紳議入諸公僉以為然遂相與定計下其事於王公公乃卜以六月十九日

興事度基立表鳩工斂財量能授任先城丈許以準其費出納有稽勤惰有督拊之摩之課之責之趨事之民罔不競勸不數月而成城其西枕山麓迤北而東而南則阻水為固四向各門門各有樓傍為水門四以通舟楫虞山一門上據山岡仍冠以樓瞭望便焉襟抱周密風氣益完近而察之則樓櫓內嚴溪山外周倉庾獄市區分不擾遠而望之則連引吳會控制江海形勢雄張隆然巨防登城四顧山若增高水若增深屹為望縣公乃告成事於諸公諸公各嘉乃績進而獎之夫非常之功固非拘攣之士所能決即有過人之才非先有以服眾心則亦不能決何也一蔽於私則羣議撓也邑城傾圯日久一旦作而新之功同創始且居民業已侵為田廬不便改作故前令率以為難王公初亦重此役然廉潔無私自下車以來剗削浮費不以一毫煩民城事既起雖銷金斂散必慎必明故令行而人不敢撓亦其有以先服眾心也撫按諸公復相與協謀無復異同使公得展布四體以樹保障之績是皆可以為決大策定大辜者之法矣

吳江縣城震澤縣附焉五代梁開平三年置縣吳越設防邊使

就松江南北岸各築一城

有南津北津之名

後廢宋嘉祐二年知縣

裴煜復建南北二門圖經云縣城周圍三百五十步元元貞二年為州城至

正末張士誠據其地城之周五里二十七步高二丈五尺厚

一丈五尺東西南北四門各有陸路水路又有小東門水路明復為縣

城成化元年知縣陳堯弼重建門樓東曰朝陽西曰望山南

曰望湖北曰望恩正德九年知縣蕭韶大加修築嘉靖三十

三年倭警知縣楊芷增高至三丈二尺厚一丈八尺長一千

八十四丈五尺又為月城敵樓敵臺窩舖三十六年知縣曹

一麟覆以甃

本朝順治四年知縣李承尹修康熙四年知縣劉定國新樓雉

并浚外濠深之雍正三年分江以北自小東門歷北門至西

水門屬震澤

明王鏊重修吳江縣城記大盜南窺三吳騷動

恐時蘇之屬縣無城者四崑山嘉定常熟吳江初以巡撫移

文皆欲築城為保障而凋弊之餘公私罄縣相視莫敢發吳

江尹蕭君九成獨曰吾其試為之吳江故有城始自吳越王

鏐而拓於張士誠國朝承平百五十年民不見兵革城日就

圯君名匠計之費以萬計君曰吾其試行之時城之西北殘

堞頽墮尚存十之一二而東南已為民廬君諭之一旦遷去

君且行且度丈絜尋計手摩心畫早高廣狹各有度程已而

裁酌均徭節省冗費勸獎巨室共得六千餘金曰是亦足矣

乃量田賦民量民賦役民各受分俸則歸之圯則坐之於是

民競勸無敢怠工必堅無敢窳始事於正德癸酉二月至九

月壬午而城成矣城周五里有奇四向為門門之上有鼓樓

以警昏曉有戍舍以扞寇偷傍有水門以通舟楫高廣皆如

其舊而壯麗過之於是吳江父老請予紀其事夫城以衛民

焉故民樂趨事而忘其勞也夫天下事固有在於一城者矣能推是而行之尚何事之不舉乎城之役春秋屢書之予安得而無紀也

坊巷 附

吳縣

古坊 從祥符圖經著縣唐白樂天詩所云六十坊也宋重立隸長洲縣者注於下

闔閭坊

曳練坊 圖經續記或傳孔子登泰山東望吳國門歎曰吳門有白馬如練因是立名

玉淵坊 宋紹定二年重立 通波坊 陸士衡吳趨行闔門南星橋在長洲縣 何我峩飛閣跨通波

館娃坊 宋紹定二年重立 吳會坊 宋紹定二年重立 果子行西巷口 立舊府治東

坤維坊 宋紹定二年重立 金風坊 圖經作鳳坊 立瑞光寺東

鳴蜩坊 平權坊 宋紹定二年重立 立跨街樓南

陋蜀坊 承浮坊

南觀坊 圖經作宮坊 宋紹定二年重立 通闌坊 宋紹定二年重立 金母橋西在長洲縣

常樂坊 盍簪坊 宋紹定二年重立 立張馬步橋東

白賁坊 長干坊

南祀坊 望舒坊

萇楚坊 處暑坊

白華坊 卽次坊 吳歛坊 宋紹定二年重立 西憩橋巷

甘節坊 宋紹定二年重立 承天寺東

洊雷坊 噬嗑坊

義和坊 宋紹定二年重立杉瀆橋東

嘉魚坊 宋紹定二年重立魚行橋東

右圖經有聞德 宋紹定二年重立周太保橋東在長洲縣無陋蜀吳地記有

三讓夷則吳趨 吳趨曲吳人以歌其地宋紹定二年重立臯橋西 無吳會玉淵

常樂

宋坊 按盧志嘉泰元年四月郡守趙不艱去俗號表以嘉名是時去建炎四年已七十載詢於芻蕘或有失其

舊者紹定二年李壽朋重立六十五所咸淳中黃萬石又新之今已注古坊下者不再見

西市坊 西市門盧志吳舊市在東西街今在街之南北未詳何時所徙或曰建炎兵火後也紹定二年重立鐵瓶

巷

太平坊 紹定二年重立太平橋

清嘉坊 陸士衡吳趨行云土風清且嘉紹定二年重立朱明寺橋北

仁風坊 陸士衡吳趨行泰伯導仁風紹定二年重立十九勝巷

流化坊 紹定二年重立舊縣治東

至德坊 紹定二年重立泰伯廟前

賓興坊 紹定二年重立貢院南

和豐坊 米行紹定二年重立

好禮坊 舊德壽坊以表刑部郎中富嚴所居嘉泰初重立改名紹定二年重立富郎中巷

靈芝坊 初名難老皇祐五年六月知州李仲偃以前守蔣堂謝事家居溪館有芝草之瑞故表之堂有謝詩使君

有意飾門閭雅為靈芝揭表初招隱溪邊往還者從茲認得野人居李之儀云胡宿嘗受學於蔣堂及宿為郡表第為難老坊蔣不樂曰此俚俗歌艷內不足而假人以夸者非所望於故人願即撤去宿以其有芝草之瑞更今名蓋誤聞也紹定二年重立侍其巷杉瀆橋東

畫錦坊 元豐中晏知止守郡時州人程師孟落成新第其宅左兩園右兩寺而坊未有名晏公有和程詩朱伯原

亦次其韻勝地寬閒舊卜鄰昔年得意闢高門中吳畫錦如君少好作坊名賁故園晏得詩遂以名事見虛舟客話紹定二年重立南營西

武狀元坊

林暉所居淳熙十年知府謝師稷表之紹定二年重立紙廊巷樂橋南

范公坊

范家園紹定二年重立雍熙寺後

德慶坊

直龍圖閣盧秉奉其親年八十餘故以表坊紹定二年重立

樂圃坊

吳越金谷園也郡守章帖以表朱長文所居紹定二年重立三太尉橋北

武狀元坊

周虎所居吳周瑜故宅慶元二年立周將軍巷

純孝坊

淳熙中知府吳潛以表里人剖心療母病者湯家浜東

狀元坊

淳熙中衛涇魁多士立於崑山石浦市景定二年知府程元鳳以涇營列職郡學重立於此仍自書扁教

授廳東

明坊

仁德坊

市曹橋北

通和坊

縣治前

慶元坊

舊縣治前

解元坊六

一為建文元年劉政立飲馬橋北一為永樂十二年謝瑤立一為正德九年劉昌立一為成化四年

賀恩立並久廢不詳其地一為成化十年王鏊立東洞庭山一為弘治十一年唐寅立至德廟橋東

會元坊三

一為成化八年吳寬立魚行橋北一為成化十一年王鏊立東洞庭山一亦為鏊立西成橋

狀元坊四

一為正統四年施槃立東洞庭山一為成化八年吳寬立魚行橋北一為弘治九年朱希周立吳趨

坊一為嘉靖四十四年申時行立清嘉坊

尚書坊二

一為吳寬立魚行橋西一為劉纓立定光寺西

都憲坊四

一為陳璠立查家橋西一為徐源立杉瀆橋東一為林符立縣治前一為劉纓立定光寺西

繡衣坊七

一為盧雍立梅家橋東一為林符立縣治前一為文森立德慶橋南一為朱

文立吳趨坊一為賀元忠立東洞庭山一為鄭準立西洞庭山

三公坊

為刑部尚書俞士悅立關廟北

榮祿坊

為太保陳鎰立鐵餅巷

斯文山斗坊 為吳寬立

探花坊 為成化十一年王鏊立

閣老坊 二並東洞庭山

天官坊

柱國坊 三並為王鏊立二並西成橋西北

榜眼坊 為隆慶五年劉城立蘇州衛前

大中丞坊 南宮坊東

武選坊

方伯坊 三並為徐源立二並杉瀆橋東

獻納坊 南洞子門為給事中楊昇立

諫議坊 為劉畿立飲馬橋北

督撫兩浙總制三省坊 為兵部侍郎劉畿立

平權坊 坊東

大理坊 為徐禎卿立成家浜

大銀臺坊 為太醫院院使加銜通政使陳寵立樂橋南

大學士坊 為嚴訥立縣治前

一郡兩元同朝首輔坊 為申時行王錫爵立樂橋北

狀元宰輔坊 胥門外皇華亭

台衡盛世坊 清嘉坊西

師柱清朝坊 黃牛坊橋東三並為申時行立

宮端學士坊 為王錫爵立來遠橋西

宮保尚書坊 為楊成立桃花橋西

兄弟聯芳坊 為文林文森立二並中家路

太宰坊 為許思溫立通和坊東

翰林坊 為文徵明立德慶橋西

兩浙文宗坊 為范惟立文正書院東

尚義坊 為賑荒中書舍人吳天禴立西洞庭山

本朝坊



承恩坊 為太傅金之俊立小市橋

民不能忘坊 康熙四十三年為工部尚書前江蘇巡撫湯斌立胥門外

胥江舊蹟坊 乾隆九年知府覺羅雅爾哈善建自書扁胥門外

巷

紙廊巷 兼隸長洲縣

西憩橋巷 兼隸長洲縣

南新街巷 兼隸長洲縣

平權坊巷 見坊

東米巷 在館娃坊

蛾眉橋巷 舊志實

勾闌巷 在和豐坊

府後巷 東西建樓夜宿巡兵不通行路

花街巷 俗呼八娘子巷

廟堂巷 有東嶽二聖廟故名

陸侍郎巷 陳陸慶所居故名互見橋

陳麻皮巷 俗呼羊中街巷

東打繩巷 支家巷

板寮巷 東船場巷

西船場巷 壽寧巷

侍其巷 新橋巷

穿堂巷

芙蓉巷

雙隱巷

盤門內靈隱梅隱二庵之間故名

社壇巷

楊家巷

府學前

南園巷

東蒲帆巷

開元寺前俗呼東半片巷

西蒲帆巷

開元寺後俗呼西半片巷

朱香獅巷

廟灣巷

泮環巷

俗呼蜜蜂洞

西包司巷

太師巷

畫錦坊巷

宋程師孟所居故名見坊

郭家巷

蓮花池巷

東采蓮巷

西采蓮巷

射梁巷

金獅子巷

果子巷

水糲巷

天燈巷

孔家園巷

燈心園巷

五郎園巷

舊有五郎廟

鐵瓶巷

在西市坊昔有仙人枕鐵瓶臥此故名

康王廟巷

互見廟

彈子巷

嘉魚坊巷

見坊

孫織紗巷

尚書巷

舊名修竹吳文定公寬所居弘治十七年知府林世遠改今名

光盞巷

糜都兵巷

流化坊巷

見坊

周武狀元巷

見坊互見第宅

祭祀巷

范文正公祠東北

蒲菱巷

雙林巷

桑園巷

盍簪坊巷

見坊

馬大錄巷

德慶坊巷

見坊

曹家巷

高師巷

宋筦帚巷

仁風巷

見坊

純孝坊巷

見坊

王洗馬巷

東百花巷

西百花巷

通濟巷

王天井巷

普濟巷

長春巷

繡線巷

海紅花巷

許蘊子巷

今名麒麟巷

金銀巷

樂圃坊巷

宋朱長文所居故名見坊互見第宅

吳殿直巷

小市橋北宋吳感所居因名互見第宅

班竹巷

諸先生巷

俗呼諸音為查

德勝巷

昇平橋巷

梵門橋巷

黃牛坊巷

徐大船巷

鄭使橋巷

宋鄭戩所居故名見橋

周五郎巷

天燈巷

王樞密巷

石塔子巷

有石塔廟

蔣家橋巷

賽兒巷

以上七並在吳趨坊

專諸巷

明隆慶元年知府蔡國熙改名遷善巷

書巷

湯家巷

阜橋東側有湯家浜

東泰伯巷

成吳坊俗呼混堂巷

西泰伯巷

歸化坊

楊家園巷

胡家巷

桃花橋巷

廖家巷

以上城內

義澤巷

俗呼狗肉巷

丁家巷

石牌巷

兼隸長洲縣

義慈巷

樂營堂巷

碧潭巷

姚家巷

張公巷

信心巷

打線巷

以上六並在康履橋北

盧家巷

王家巷

檀家巷

盛家巷

新巷

姚家巷

姚巷

以上二並在懷胥橋北

南濠水街

北曰同善街自牌樓至踏塚止計長三十四步前街闊計兩步零三寸中闊計三步零八寸後河闊

計兩步零五寸內有水神閣中曰中正街自牌坊至踏塚止計長三十二步前街闊計三步零二尺五寸中段闊計三步零三尺一寸後河闊計兩步零三尺九步前街闊計兩步零二尺陳大受牌坊至踏塚止計長二十九步前街闊計兩步零二尺陳大受寸中段闊計兩步零三尺後河闊計兩步零二尺陳大受記吳城之隍繚西北隅者曰兩濠當吳閶之門闔南北可十里五會之津也而百物走滙南濠視北濠尤夥自門闔西涯左折為勾玉灣行抵新開河以丈計百六十有奇緣濠對宇比如櫛齒間歲往往以火災告地瀕濠器具人衆而挽水苦不接擾謀而視其延燒亘昏且君子病焉予撫吳既閱月問知其廬趾尺寸收厚息壤無棄餘行喘汗得通水街寬四尺許者曰姚家曰信心纔二道以是故艱得

水乃下教謀撤廣而析置之於是濠之人及居貨之客陳  
 天鈺金宗浩等十有二人準地贏縮議加汲道二寬以丈  
 為率通估所償壤直一切費燈門柵工費白金三千兩而  
 倡輸其五之一以為勸條其議來自請給簿募以歲事越  
 明年覺羅雅君移守至蘇益勸增其道且立之程十二人  
 者不懈益勸行募其里厘里厘咸勇義無梗尅日資集彙  
 所輸溢於初估之額遂增道為三畫北中南等之而各徹  
 其適中寬並盈丈歷八月功潰於成總其舊之二及其兩  
 端所謂勾玉灣新開河者得通行之處寬狹凡七汲乃大  
 便嘗與雅君輩公暇循衢行計武而見濠光之渺瀰擔且  
 負者齊驅掉臂而下上輒舉手相賀微特功足以待不虞  
 卽心目亦改而曠矣昔人言積油萬石自然生火况環之  
 以百物之積外塞而中堙更藉是一得宣泄又理勢之然  
 者歟於戲簿領遼遼事患旁午法苟可以濟雖勞費不得  
 靳間者淮揚徐溢水上軫  
 宸憂活數萬萬姓其勞與費千百於斯不止當職而勸功者盡  
 磊磊赴事會若雅君其人予從諸節使後交相倚以效成  
 其可舉以風也哉予樂斯濠之有成績別刻石列名陷壁  
 間茲用志始末為來者告毋規近利以遺遠憂乃繫之詩  
 曰水惟火牲火寔水妃既濟而亨徵祥與禴南濠之上垣

闕有閱物殄於泥天戒以湯南濠之涯調水孔時澤於闕  
 闔挹此漣漪慶成有懌投艱勿號何以勸功視此樂石

信心巷內水路 汪惠宏等捐貲置地倣南濠水路規模擴充  
 官衙以備不虞丈見九釐二毫知縣姜順峻

記。以  
 上城外

長洲縣

古坊 圖經並作坊名盧志作市今遺蹟所  
 在割隸新分縣者注於下他縣倣此

干將坊 宋紹定二年重  
 立魚行橋西

豸冠坊 宋直龍圖閣范師道所居以其出入臺諫有聲故名  
 然范公之前已有豸冠市蓋倣古也紹定二年重立

仁王  
 寺前 繡衣坊 宋紹定二年重立南  
 倉橋北今屬元和縣

載耜坊 宋紹定二年重立  
 開元寺東在吳縣 天宮坊 宋紹定二年重立迎春巷  
 天宮寺西南今屬元和縣

必大坊 循陔坊

仲呂坊

富仁坊 宋紹定二年重立魚行橋東

釋菜坊

開冰坊

麗澤坊

宋紹定二年重立織里橋北在吳縣南政坊

布農坊

八貂坊

同仁坊

宋紹定二年重立金獅子巷在吳縣布德坊 宋紹定二年重立顧家橋東今屬元和縣

迎春坊

宋紹定二年重立百口橋今屬元和縣建善坊 宋紹定二年重立干將巷

青春坊

圖經坊 宋紹定二年重立槐樹巷楊和王府前按楊存中追封和王諡武毅或云因此名坊非也

和令坊

宋紹定二年重立槐樹巷楊和王府前按楊存中追封和王諡武毅或云因此名坊非也

太元坊

儒教坊 宋紹定二年重立飲馬橋北

旌孝坊

遷善坊 宋紹定二年重立草橋今屬元和縣

黃鸞坊

圖經續記黃鸞市之名見白公詩所謂黃鸞巷口鶯欲語烏鵲橋頭冰未銷是也

孫君坊

宋紹定二年重立孫老橋在吳縣玉鉉坊

立義坊

宋紹定二年重立北寺西

右圖經有大雲

宋紹定二年重立天慶觀西 無太元吳地記有夷則

一本有和令無干將

宋坊

孝義坊

宋紹定二年重立東憩橋巷

繡錦坊

大市紹定二年重立飲馬橋北

旌義坊

宋紹定二年重立蔡滙頭

孝友坊

宋紹定二年重立南園東巷

儒學坊

樞密林希所居其父子兄弟科名之盛吳人榮之故名紹定二年重立烏鵲橋南今屬元和縣

袞繡坊

太子少保元絳致政歸居此知州章岵因以命名紹定二年重立烏鵲橋北今屬元和縣

晉寧坊 紹定二年重立濠股口

狀元坊 黃山所居知府韓彥質表之醋庫巷今屬元和縣

孔聖坊 舊有夫子廟在北景祐中方割南園立學俗稱孔夫子巷嘉泰初遂以坊南倉橋南今屬元和縣

積善坊 紹定二年重立舊府治西 阜通坊 紹定二年重立夏侯橋西

真慶坊 紹定二年重立天慶觀巷 大雲坊 林慮居此故號大雲翁天慶觀西

乘鯉坊 紹定二年重立張馬步橋西

閻邱坊 朝議大夫閻邱孝終所居故以表之紹定二年重立張馬步橋北

碧鳳坊 紹定二年重立天慶觀南東巷俗云錢官人巷

慶源坊 丁謂所居舊名晉公坊嘉泰初易今名紹定二年重立大郎橋東

鶴市坊 淳祐初寓公鄭定大卿請立故市巷口東有鶴舞橋

表忠坊 嘉熙中知府吳潛以表里人焚香祝聖人壽者祥符寺西橋北

仁美坊 右史上官渙西所居南獻子巷口今屬元和縣

大慈坊 以大慈寺為名寶祐中知府趙與憲書立

道義坊 舊縣治左 樂安坊 舊縣治右二並取鄉為名

狀元坊 阮登炳所居咸淳中知府陳均立留夢炎書扁南星橋西

覺報坊 舊以覺報寺表於巷曲章吳亨題咸淳中林祖恭書改

明坊

濂溪坊 濂溪祠旁天順間立資壽寺巷今屬元和縣

及第坊 為正統十三年榜眼陳鑑立 詞林坊 為陳鑑立二並鳥鵲橋北今屬元和縣

大學士坊 為吳一鵬立舊志作吳寬誤闕門外山塘橋西今屬元和縣

都憲坊 為韓雍立姜家街今天賜莊屬元和縣

大光祿坊

大中丞坊 二並為章煥立  
並西白塔巷

仰止三達坊

為尚書錢邦彥立望信橋  
西今錢衙前屬元和縣

繡衣坊

為史鑑立  
史家巷

世掌臺綱坊

為毛埕  
毛堪立

殿中執法方

為徐申立二並閭門外  
下津橋東今屬元和縣

給諫坊

為歸大道立新造  
橋西今屬元和縣

觀風兩浙坊  
為黃鐘立

清忠風世坊

崇禎元年為郵贈太常寺卿  
周順昌立閭門外林家巷口

宮詹坊

為周詔立葑門外靈  
官廟南今屬元和縣

廉憲坊

為張炳立葑門外竹  
浜巷今屬元和縣

坤儀毓德坊

崇禎九年為嘉定  
伯周奎立葑門內

旌義坊

洪武五年為邑人盧珪賑荒立葑  
門外小黃石橋西今屬元和縣

人瑞坊

為張思本妻薛氏年百歲  
立葑門外今屬元和縣

集和坊

崇禎七年推官倪  
長圩立婁門內

本朝坊

人瑞坊

乾隆三年為徐元來妻高氏年百  
歲立閭門外急水橋屬元和縣

巷

花巷

雙井巷

張古老巷

周司徒巷 俗呼周  
孝子巷

鼓角營巷

鹽倉巷

柴巷

閻橋巷

濠股巷

晉寧坊巷



槐樹巷

樂營堂巷 舊傳宋紹興中知州賈青造樂籍堂於此今訛為樂營堂

廿八錢巷

胡書記巷

張泥金浜巷

孔夫子巷 見坊兼隸元和

顏回巷

龐耆巷

旌義坊巷 見坊

孝友坊巷 見坊

通津巷

翁家巷

東楊家巷

五聖巷

五龍堂巷 互見廟

石皮巷 東西各一

富仁坊巷 見坊

吉由巷

大酒巷

舊名黃土曲唐時有富人修第其間植花濬池建水檻風亭醞美酒以延賓旅其酒價頗高故號

條坊巷

塔兒巷

九勝巷

寶積寺後巷

大雲坊巷 宋林處所居見坊

宮巷 今圓妙觀唐紫極宮故名

油巷

丁家巷 宋丁謂所居

周將軍巷 宋周虎所居見坊

喬司空巷

閻邱坊巷 宋閻邱孝終所居見坊

祥符寺巷

乘鯉坊巷 兼隸元和縣

故市巷

章家橋巷

南王家巷

北王家巷

王武功巷

張家園巷

平家巷 兼隸元和縣

石塘巷

樂鼓巷

官沙巷

車欄巷

花橋巷

互見橋

碧鳳坊巷

臨頓路

兼隸元和縣

百家巷

兼隸元和縣

迎春坊巷

見坊

周通橋巷

互見橋兼隸元和縣

珍珠巷

碎銀巷

俗呼謝衙前兼隸元和縣以上城內

袁家巷

葉家巷

小猪巷

平家巷

曹家巷

木梳巷

東匯巷

鮑家巷

悟真巷

馬路巷

以上城外

以上屬長洲縣

十郎巷

十倉夫所居也張士誠事危應募出戰皆封以將軍賜金綺出閶門運鉄頭槍浴血而前明師爲之稍却

時李伯昇忿士誠賞薄曰吾力守孤城無賞市井無賴乃重於我邪因射書於徐中山曰勿退彼能出而不能還也圍復合十郎還伯昇閉門不納遂俱溺死沙盆潭

逍遙巷

儒達巷

司馬巷

道堂巷

白蜆橋巷

盡市橋巷

夾城巷

石匠巷

王判司巷

積慶寺巷

醋庫巷

金雀巷

水仙廟巷

見廟

衮繡坊巷

見坊

公孫巷

阜茨巷

馬軍巷

四酒務巷

船坊巷

蓮城巷

黃師巷

南白塔子巷

蘇家巷

蕭家巷

朱張巷

南寨巷

北寨巷

蘆荻巷

碎金巷

運通巷

包婆巷

騎龍巷

李基巷

同芳巷

任將巷

潘時用巷

東白塔子巷

流真巷

丁香巷

南顯子巷

北顯子巷

崇甫巷

唐家巷

新橋巷

長鉞巷

一名彈鉞巷舊有馮煖宅故名以上城內

鄭家園巷

石衢巷

肖浜巷

周方巷

陳僉事巷

邢家巷

北濠巷

酈季子巷

陶家巷

曹家巷

陳家巷

道觀街

莫家街

查家街

八尺街以上城外

以上屬元和縣

崑山縣

古坊姑蘇志四坊載古經今不可考

光化坊

平樂坊

招賢坊

永昌坊

宋坊

覽德坊一名道德縣治東今屬新陽縣

近民坊一名齊禮縣治西南今屬新陽縣

平政坊一名宣化縣治南今屬新陽縣

武寧坊平橋西

成達坊一名興賢縣學東今屬新陽縣

朝京坊西柵今屬新陽縣

朝宗坊南柵今屬新陽縣

婁豐坊北柵今屬新陽縣

玉鎮坊馬鞍山前

忠正坊趙忠簡府前今屬新陽縣

登平坊倉巷內

春和坊平橋東今屬新陽縣

登春坊柵巷

日新坊前修街

又新坊 後新街

通德坊 鄭大資府前

安定坊 安定橋西

太平坊 太平橋南今屬新陽縣

積善坊 甫庫橋西今屬新陽縣

富德坊 甫庫橋北

儒學坊 茅家橋東今屬新陽縣

寶信坊 寶月橋西

貴德坊 通闡橋東今屬新陽縣

德潤坊 後市橋南今屬新陽縣

明德坊 後市巷西

餘慶坊 葦菜橋東今屬新陽縣

厚俗坊 陳老橋東今屬新陽縣

片玉坊 陳老橋西今屬新陽縣

安榮坊 姚家巷內

興仁坊 東城巷內今屬新陽縣

惠政坊 西寺巷內

進賢坊 醋庫巷內今屬新陽縣以上三十二坊淳祐間縣丞項公澤立主簿吳堅書扁

孝感坊 寶祐乙卯邑人曹椿年割股療母病知縣胡啓白知府趙汝歷立坊表之又借補椿年承信郎縣市片玉

坊內今屬新陽縣

旌孝坊 咸淳壬申邑人榮生割股救母縣為立坊表之忠正坊北今屬新陽縣

狀元坊 淳熙甲辰衛涇魁天下立坊所居石浦鎮

明坊

狀元坊 二為弘治九年朱希周立一為弘治十八年顧鼎臣立

尚書坊 即宣化坊為朱希周顧鼎臣周倫立今屬新陽縣

尚書里坊 為周倫立東城 狀元宰輔坊 為顧鼎臣立縣治後

會元坊 為陸欽立酒坊橋下

方伯坊 二為王汝霖立平政坊內一為顧夢圭立安定坊內

勲德名臣坊 為葉盛立舊名文莊 察院東今屬新陽縣

太卿坊 霑恩坊 二並為夏景 立並平橋南

都憲坊 為周倫立今 屬新陽縣 紫薇坊 為項璉立富春橋 南今屬新陽縣

司馬坊 為侍郎虞祥立羅漢 橋西今屬新陽縣

司空坊 為侍郎王永和立平 政坊內今屬元和縣

玉堂驄馬坊 為方鵬 立 宮庶坊 為方鵬立 南心瀆

京兆坊 為府丞 高敞立 歸榮坊 為參政虞臣立羅漢 橋西今屬新陽縣

臺憲坊 為僉事周思 立半山橋南 父子文宗坊 為顧潛顧夢圭 立半山橋南

雙牙坊 為張和張穆皆官憲副立初名 雙桂富春橋北今屬新陽縣

儀鳳坊 為御史 顧潛立 鳴鳳坊 為按察使顧夢圭 立二並縣治後

廉憲坊 為按察使王英立通 闡橋東今屬新陽縣

聯璧坊 為張汝舟張汝粟立 縣治東今屬新陽縣

雙壁坊 為柴奇柴泰 立縣治前 金榜傳芳坊 為吳瑞吳蘭立宣化 坊北今屬新陽縣

世祿坊 為主事盧彭祖立平 政坊內今屬新陽縣

世沐天恩坊 為梁昱梁統 立通德坊內 伯仲同芳坊 為王秩王稷 立馬鞍山前

橋梓同榮坊 為夏文振 立縣治前 烏臺肅紀坊 為御史朱棻立茅家 橋東今屬新陽縣

青瑣納言坊 為給事中朱隆禧立 察院東今屬新陽縣

柱史坊 為朱觀立會仙 橋今屬新陽縣 晝錦坊 為吳凱立 鰲峯橋北

督撫三楚坊 為支可大立西門 外今屬新陽縣

同升坊 天啓間知縣閔心鏡立以紀歷任縣 令氏名及縣中進士題名縣治南

巷

醋庫巷

進賢橋北宋元醋庫在此

北倉巷

北倉橋南

西市巷

景德寺前

弓矢巷

一作巷西寺巷東北

姚家巷

安榮坊北

秦家巷

旌孝坊內

鄧家巷

進福橋南

顧二耆巷

太平坊內

陳賣羊巷

太平橋西

柴巷

半山橋南以見姑蘇志

以上屬崑山縣

東城巷

東城橋北

李侍御巷

通闡橋東宋李衡所居

金童巷

唐家橋南

州廳巷

貴德坊東

東寺巷

通闡橋東

楊編筭巷

春和坊內

後市巷

明德坊東

郁家巷

片玉坊內

潘家巷

旌孝坊內

社壇巷

青果巷

駟馬橋東以見姑蘇志

以上屬新陽縣

常熟縣

古坊

從盧鎮琴川志所載十二坊舊名皆不存

言偃坊

文學坊

德政坊

和風坊

惠政坊

隱仙坊

崇德坊

化合坊

信義坊

開元坊

清真坊

常平坊

宋坊

製錦坊

飛鳥坊

富民坊

春風坊

興福坊

叢桂坊

壽安坊

聚星坊

衍慶坊

紫微坊

袞繡坊

虞山坊

明坊

子游闕里坊

文學坊

虞山坊

阜民坊

仁壽坊

迎仙坊

通濟坊

五桂坊

忠孝坊

學士坊

解元坊

毓秀坊

宮保坊

古柱下史坊

興賢坊

文琳

文琳

文琳

蘇州府志

卷三 坊巷

三

舊名太平縣治右

舊名仁壽縣治左二坊相對

縣

以春風樓相對故名縣東今屬昭文縣

以崇教興福寺故名縣東北今屬昭文縣

縣西北通家橋

以冷副端世光兄弟連登科故名縣西北

慧日寺

以錢邱富諸寓公皆居此故名縣西北

以曾丞相懷居此故名縣西北

以登虞山故名縣西北

阜成門內

重立迴龍橋東

重立慧日寺西

宣德間重立即富民坊縣治西

宣德間重立即飛鳥坊縣治東

望仙橋東

縣治東臨通濟橋

景泰間為章儀章表章格章律章度立

為忠臣唐天恩孝子顧坤立慧日寺東

一為宣德四年沈諫立一為景泰元年章表立一為正德十一年周光宙立一為萬歷四十六年盛

立

弘治間為李傑立琴川橋

為李傑立跨塘橋

為魚侃立今屬昭文縣

為施顯瞿景淳立學東今屬昭文縣

為御史蔣欽立



都憲尙書二坊

為程宗立

尙書坊二

一為程宗立 一為徐恪立

都憲坊

為陳察立鎮橋

閣老坊

為太學士嚴訥立顯星橋西

司諫坊

為蔡坤立河東街

大司成坊

為趙用賢立鎮橋

豸史坊

為朱鉉立花園巷今屬昭文縣

岳伯坊

為呂困立坊橋今屬昭文縣

大中丞坊

為陸問禮立迎恩橋北今屬昭文縣

文宗坊

為陸化熙立學宮南今屬昭文縣

循良坊

為蔣岳蔣以忠蔣以化立慧日寺東

會元坊

為嘉靖二十三年瞿景淳立山塘涇

兩京名卿坊

為陳寰立

三賢宅里坊

為丁仁鄧彥章鄧毅立市中心

風紀名卿坊

萬歷間為副都御史陳瓚立學東

繡衣坊

萬歷間為徐棡立李墓市今屬昭文縣

儒榮坊

為盧信立廿五都今屬昭文縣

巷

金駝巷

沈家巷

何家巷

太平巷

廟巷

以周孝子廟故名以上縣南街

永寧巷

稅務巷

游司空巷

以上南門街

新巷

青果巷

縣治東果菜交易之處以上縣前街

學前街

陳家巷

曾家巷

以上南聖街

桑家街

金李庵巷

西涇岸

以上山塘街

文學里

安樂巷 俗名大巷

虞山里 舊為虞山東巷

虞山西巷 名昭明里

白虎巷

青龍巷 以上西門街

景言巷 即縣後巷

寺後巷

西子游巷

浜巷

槐柳巷

主司巷 孫主司居此

山巷 慧日寺後

邵巷

天寧寺巷 以上市心街

倉浜巷 以土北旱門街

姚家街

祝家街

以上屬常熟縣

葛家街

東倉街

步道街 本名捕盜宋設捕盜司其中

冷家巷 冷世光所居

東殿巷

塔巷 一名興福巷

周沈巷 楊儀二姊一適周一適沈俱寡儀分宅與居縣令義之因題其巷

倉巷 以主事金亮家倉得名

花園街

春風巷 古權稅所有春風樓故名

白家街

郁家門樓 以上河東街自鎮海門南至顯星橋

黃板橋街 東西二條

龐家街 有四條

東子游巷

隱仙巷 衢橋直西市心街東北隅

壽星街

撐木街

後塔街

以上方塔街

虎街

即閣老坊街

何家廊

以上南門街東

以上屬昭文縣

吳江縣

宋坊

旌孝坊

寶祐二年知府趙汝歷以表孝子陸十七明洪武三年知州孔克中重立震澤鎮今屬震澤縣

元坊

延壽坊

延祐元年立縣市中

明坊

顯德坊

運河南今屬震澤縣

衍慶坊

昭靈觀前

仙里坊

仙里橋南

觀瀾坊

東門外

望京坊

縣治西北

庶寧坊

縣南州橋

迎恩坊

北門外

狀元坊

洪武三年為宋淳祐間特奏名魏汝賢立

會元坊

為成化十七年趙寬立二並學宮左

解元坊

為正統十二年莫灝立學廟左

中丞坊

為黃著立

登雲坊

正統六年松陵驛丞鄭溫中南京鄉試立於驛前又一為莫宏立綺川又一為吳鉉立同里鎮

尚書坊

為吳洪立縣治後

父子尚書坊

為吳洪吳山立北塘

廉憲坊

為按察使趙寬立學廟東

廷尉坊

冬官坊

二並為吳涵立並南門外

天官坊

為周用立北塘今屬震澤縣

都憲坊

為江西巡撫王哲立北門內今屬震澤縣

大總制坊

為陳天祥立北門外

戶科左諫坊

為沈漢立仙里橋西北

清朝侍御坊

為陳王道立同里鎮

旌義坊

為龐鏞立謝里村

倡義効忠坊

為貢生周大章立縣治後

首忠坊

南關

首揚忠烈坊

二並崇禎元年為卹贈太僕寺卿周宗建立駱駝橋南

巷

通學巷

棠陰巷

縣治左

勾欄巷

鐵局巷後

銀星巷

金星巷

並在縣東

冬米巷

鐵局巷

縣東積善鄉北元至正間有鐵匠局故名

太平巷

合掌巷

看波巷

縣治東北今名火術

尚書巷

通利橋西北又名宮保坊

絃歌巷

縣治右

聽琴巷

西門內

西寺巷

無礙寺西寺

北寺巷

縣西延壽坊北

釣雪灘

三高祠北

仁厚里

昭靈觀西

以上屬吳江縣

北塘巷

北門內

南新街

南門外

下塘巷

北水門內

以上屬震澤縣

蘇州府志卷第三

蘇州府志卷第四

山

吳之山隸吳縣者什之九橫山鎮郡西南其支達於穹窿  
又由支硎天平及靈巖鄧尉而盡於太湖中諸山他若長  
洲則陽山爲望元和則虎邱擅名以至海虞馬鞍並標靈  
勝而其餘小山以次附見焉

吳縣

橫山在府西南十一里隋書十道志山四面皆橫故名又名踞  
湖山廬志山背臨太湖若箕踞之勢姑蘇志吳越錢氏葬忠  
獻王元璋於此建寺其趾曰薦福又名薦福山山有五塢又

名五塢山宋皇祐五年節度推官馬雲遊此山名之曰芳桂  
 塢飛泉塢修竹塢丹霞塢白雲塢後人又以堪輿家言稱爲  
 九龍塢圖經續記此山鎮郡西南臨吳控越實吳時要地隋  
 開皇中嘗遷郡於橫山東亦以是爲屏蔽云宋馬雲芳桂塢  
 森森芳桂樹團  
 團削青玉春花飛澗戶秋實墜巖曲霜條封翠紫風葉搖香  
 綠下有幽栖人結茅避世俗學仙讀丹經好道探藥籙植根  
 滿羣峯不使樵斧觸飛泉塢高峯落飛泉深源味冷冽雲津  
 留玉乳石髓澄金屑淙淙危磴響滴滴蒼蘚缺濺沫洒明珠  
 滿澗融寒雪巖夫就漱飲幽谷臨浣潔不獨愈痼疾自可清  
 內熱修竹塢檀欒徧巖川幽谷氣象鮮風生自宮徵秋籟成  
 管絃夕靄起碧霧晨曦生綠烟花繁紫鳳飽質勁蒼虬攀藤  
 蘿交密蔭仰不見雲天欲訪桃源路塢疑相連丹霞塢東  
 澗溪谷秀粲然金碧麗巨野丹氣明向曙屏烟霽磴瀉紅玉  
 泉林紆赤鳳髻日出諸峯上月皎半天際幽谷紆絳繒層崖  
 縈錦繡羨此山居人蕭然遠塵世白雲塢君尋白雲塢最近  
 林間西永日抱幽石因風度清溪炎隨夏景變涼逐秋風淒

素靄生巘粵練光帶紅霓潤澤施天下還返故山棲深惟賢  
 士志出處可與齊明高啓芳桂塢欲攀淮南樹人去山寂寞  
 嫋嫋涼風生疎花月中落飛泉塢山空響更遠雨過流還急  
 餘沫灑迴風一林紅樹濕修竹塢色映溪沈沈秋雲生夕陰  
 無限楚山意鶴鳴風滿林丹霞塢遙聞丹霞塢中有餐霞者  
 絳彩發朝朝還同赤城下白雲塢雲開見山家雲台失山路  
 聞語知有人  
 欲尋已迷誤

堯峯山在橫山西南山麓有岷山花園山鳳凰池小赤壁紫石  
 池惟堯峯最高羅處約記堯時洪水汎濫吳人避居於此故  
 院名免水山有清輝軒碧玉沼多景巖寶雲井白龍洞觀音  
 巖偃蓋松妙高峯東齋西隱十景互見後廢及半人因取露  
 禪庵千人坐響泉松岡竹逕以足之俗又以壽聖寺爲上堯  
 峯露禪庵爲中堯峯與福院爲下堯峯山半有鬣鬣嶺俗名  
 鴨踏

嶺下石塢中產文石其東南有寶華山寺有錮錮泉縣志作錮

又有紫薇塢瑞雲塢褒忠嶺青霞嶺東有長旗嶺感慈塢

又東為吳山吳越廣陵王子文奉建吳山院於此故名其南

有昇猶山桃花塢漫衍六七里臨太湖白楊灣與吳江分界

元戴良登堯峯已從錮泉游復向堯峯去堯峯渺何所毗俗

不知處披拂強追尋疲茶窘凌遽息喘倚茂松濟勝犯零露

積石擁近蹊飛嵐護遙樹仰觀天宇垂俯睨河流注石湖尚

波瀾洞庭但烟霧遊子多悲懷觸景增遠慕微跡既漂泊流

年復遲暮半生僅一來百齡能幾度回駕難淹又復首前

路明袁袞堯峯清輝軒樹杪見風帆正對南湖水山月流清

輝來照軒窓裏碧玉沼泠泠碧玉沼青萍鋪水面風吹萍葉

開水底魚皆見觀音巖複磴轉危巖寂寥古龍象空林人跡

稀但聞清磬響白龍洞陰洞山之阿谿銜石勢逼還疑蟄龍

起雲霧閉深黑多景巖應接無閒暇日與賞心遇惟應山中

人解識山中趣寶雲井古甃浸寒泉稚子時時汲迎晨入翠

微嵐氣侵衣濕優蓋松高松若車蓋偃蹇北山隈不蒙匠石

過詎識明堂材妙高峯逶迤羣峯首躋攀興何已曠然心目

開盡此邱壑美東齋楓葉紛紛落荒徑無人掃萬念杳虛寂

閒門閉秋草西隱朝坐東齋幽夕宿西齋靜跣趺對佛燈沈

沈秋夜永王寵登吳山叢篁古桂陰淒淒斗然一道青雲梯

太湖杯傾兩山小一水線曲于峯齊林端風色怯虎豹

石上泉聲逢鹿麕誅茅絕壁吾有意聊與山翁時祝雞

楞伽山在吳山東北又名上方山上為楞伽寺有浮屠七級東

南麓有丁家山唐丁公著父喪負土作塚故名北為寶積山

寶積寺在焉又北為吳王郊臺詳見古蹟東北為茶磨嶼俗名磨

其三面臨東麓為石湖書院東南麓有普陀巖巖前石池石

水故也梁跨其上東面石湖唐張祐楞伽山樓臺山半腹又此一經

蘇州府志

卷四

三

頂布瑤席舉杯酌銀河誤觸支機石回首招王喬吾亦成羽  
 翮大道無端倪人世如蟻蝨冷然御風行天路非阡術望舒  
 稍西傾東海已吐日山川兩照耀金波中蕩潏仙人夜行游  
 巖坐泛寶瑟吐故餐晨霞乘霧采芝朮巉巖金庭山中有煉  
 藥室却笑尚子平寧須婚嫁畢程嘉燧登上方穆肅山氣涼  
 半嶺見日小先秋草蟲鳴問夕飛雉鷲草香故山接宵然客  
 魂悄蘭若冠絕頂宮殿何繚繞闌干俯林際四顧川途翳胥  
 門毫末辨襄縣拳石表東北餘郊臺昔吳已云沼倦目浩難  
 極天長阻歸鳥

黃山在茶磨山北四里胥塘之北諸峯高下相連俗稱筆格山  
 隋志載王世充破劉元進坑其衆於黃亭礮疑卽此其西山  
 之半有二石洞深可三四丈俗名虎洞周必大遊山錄謂有  
 法雲寺及浮屠今皆廢明皇甫湜黃山茲巖亦幽勝橫亘西  
 南天一徑聊步趾諸峯猶眼前湖波  
 浩無際雲日爭相鮮霞鶴粲霄色松風清澗泉芳菲亂空翠  
 靡迤浮春烟迴瞰塔寺古下窺樓堞妍近尋侈遐討投跡期

忘年未事登名  
 嶽俄然意已宣

姑蘇山在府西三十里橫山西北姑蘇臺在其上詳見一名姑

胥又名姑餘今人亦稱胥臺山

穹窿山在府西南六十里越絕書由鍾窮隆山者古赤松子所  
 取赤石脂也初學記引董覽吳地記穹窿山東西兩嶺相趨  
 名曰同嶺產自然銅又曰銅嶺陸龜蒙云太湖中穹崇山有  
 銅闕卽此楊泉五湖賦云穹窿紆曲蓋此山實峻而深形如  
 釵股郡之鎮也山頂方廣可百畝有煉丹臺昇仙臺皆赤松  
 子遺蹟又三茅峯頭如浮笠俗呼箬帽嶺壘石爲龕名國師  
 龕或云張良從赤松子游處半山有石膝痕相傳茅君禮斗處膝印中注



水不涸名雙膝泉又有拄杖泉大旱不竭法雨泉下注石堰  
可以灌田東嶺下有盤石高廣丈許相傳朱買臣讀書其上  
後人號為讀書臺向有穹窿寺後建上真觀祀三茅真君山  
北有紫石山鳳凰山西為紫藤塢百丈泉

元陳徵登穹窿山  
綠水青山今再遊

杜鵑花發雨初收猿聲好在千章木雲氣深藏萬丈樓麋鹿  
近人來古澗麒麟無主臥荒邱吏情益愧成羈縻西望太湖  
烟際頭明楊基登穹窿昨日出遊今日還登臨未盡吳東山  
紫藤花落高樹下翠羽鳥鳴深竹間泉停峻石淨可掬磴倚  
絕壁危難攀人生跬步即天險不獨瞿塘與劔關吳寬穹窿  
山我昔聞吳諺陽山高抵穹窿半壯哉拔地五千仞始羨吳  
中有奇觀銅坑鄧尉作屏展天平靈巖當几家其間法華與  
雅宜水邊橫亘如長岸何人著山經宜作吳山冠但嫌地勢  
高山家每憂早舟行半日青已了却被濃雲忽遮斷水迴路  
轉二里依舊諸峯青歷亂人云山頂百畝平合結茅廬傍  
霄漢龍門勝跡未遑  
游坐向船頭先飽看

香山在府西南七十里北連穹窿南址近太湖為胥口而氣脉

與胥山接吳地記吳王種香於此遣美人採之故名下有采

香涇通靈巖山今名箭涇山北地有名上園下園者皆吳王

藝花處也西南數里有黃茅山臨太湖

明顧闈香山懷古吳  
王昔遊日歌舞艷山

川徑草承雕輦林花避翠鈿春風開錦隊暮雨接珍筵自愛  
離宮揭俄悲戰壘遷金庭成寂寞玉洞罷嬋娟麋鹿荒臺上  
松蘿峭壁懸恨留雙佩月愁入五  
湖天千載升沈地惟看牧豎眠

胥山在香山東南太湖口寰宇記引吳錄吳王殺子胥投之於

江吳人立祠江上因名胥山又水經引虞氏松江側有丞胥

二山山各有廟魯哀公十三年越使二大夫疇無餘謳陽伐

吳吳人敗之獲二大夫二大夫死立廟於山號丞胥二王今

胥山上有壇長老云胥神所治也其西麓長而銳土人呼為西上方北為高峯山下有走馬塘疑即走狗塘

峯粵山在府西南十五里俗稱獅子山以形名吳地記王僚葬

此山傍有思益寺山上有石巷南有大石相傳為墜星今其

東有落星涇又名鶴阜山亦名荈碓山越絕書荈碓山故為

鶴阜山禹游天下引湖中柯山置之鶴阜更名荈碓又名岵

嶺山水經吳國西岵嶺山俗傳山本在太湖中禹治水移進

近東西南兩小山有石如卷筴禹所用牽山也太湖中有淺

地云是岵嶺山麓自此以東差深云是牽山之溝朱伯原謂牽山事閭

巷之談因故書山右有鈴山左曰索山皆以獅子得名山南所載姑存之

頂有巨石二云是獅子兩耳自元以來鑿石殆盡明繆宗儼獅山崖口

衆山斷橫嶺何突兀起伏勢崢嶸雄詭卓天骨巉石扶爪牙灌莽動毛髮驚風入松林震若吼聲發疑參馬祖禪噓噓欲

出窟

何山在獅山北一里姑蘇志其地舊名鶴邑墟故山名鶴阜梁

隱士何求何點葬此改今名其坡有資福寺按越絕書及吳郡志皆以峯粵

山為鶴阜山葉夢得避暑錄話何山寺乃何楷宅故以其姓名山未詳孰是

支硎山在府西二十五里寰宇記晉高士支遁嘗憩遊其上盧

志平石為硎山多平石故因支遁以支硎為號亦名臨硎玉

篇吳有臨硎吳都賦右號臨硎又圖經續記支硎一名報恩

山以昔有報恩寺也今東趾有觀音寺又名觀音山山有石室寒泉遁詩云

石室可蔽身寒泉濯溫手

泉上刻宋虞廷臣書寒泉二字徑丈

又有放鶴亭馬

跡石皆以遁得名舊有南峯寺及中峯北峯二院傍有待月

嶺嶺下有碧琳泉南池新泉馬坡

本名養馬坡諺云馬婆泉者誤

坡南三巨

石屹立如門西連危峯東臨絕壑中猶棖臬然又牛頭峯在

寺門下右一支為寒山明萬歷中趙宦光始名之盤陀空谷

化城法螺諸庵景皆絕勝又定山在支硎西相傳支遁於此

禪定故名

盧志道林在吳縣土山墓下集同意者合八關齋考越絕書土山者春申君治為貴人塚去縣十六

里疑即道林齋會之地宋范成大放鶴亭石門關外古亭基樹老藤枯野徑微放鶴道人今不見故應人與鶴俱飛馬跡

石跨馬凌空亦快哉龍腰鶴背漫徘徊游人欲識仙踪處但覓蒼崖白塔來元鄭元祐遊支硎南峯詞客尋幽勝洞庭神

僧名蹟在支硎馬騎仄徑猶存石鶴放顛崖尚有亭巖底泉飛輕練白峯頭龕蝕古苔青到來頓醒紅塵夢萬樹松濤沸

紫冥明高啓寒泉遠落叢峯間平流盤石上月照欲成潭風

吹不生浪聲兼寒葉下色映秋苔漲野客照羸顏曾來倚筇

杖本朝吳偉業憩趙宦光所鑿石石骨何年斲蒼然萬態

收直從文字變豈止斧斤搜亂瀑垂痕古枯松結體遁即今

苔蘚剝一類銀鈎

天平山在支硎南五里吳郡志山在吳山中最為崢嶸高聳一

峯端正特立盧志山皆奇石瓌形異狀可喜可愕其卓筆峯

為最峯高數丈截然立雙石之上附著甚臬兀若將墜者餘

如屏如蠹或插或倚備極奇怪飛來峯高二丈上銳下侈微

附盤石前臨崖谷大石屋三面壁立覆以二大石小石屋一

石覆之又小巖有蓋斜蔽其頂俗名頭陀厓又有五丈石臥

龍峯巾子峯皆山中奇跡其山頂平正曰望湖臺即遠公庵

遺址上巨石圓而面湖者曰照湖鏡山半有白雲泉為吳中  
 第一水白雲之上石壁中有泉如線曰一線泉宋僧壽老始  
 發之有古松繆糾如蓋曰華蓋松他如龍門穿山洞蟾蜍石  
 龍頭石靈龜石釣魚石皆奇絕南趾白雲寺今為范文正公  
 功德院公之祖墓在焉其西有筆架峯其後羣石林立名萬  
 笏林明萬歷末參議范允臨構為別業東為翁家山連屬金  
 山唐白居易白雲泉天平山上白雲泉雲自無心水自閒何  
 必奔衝下山去更添波浪在人間宋范仲淹白雲泉靈泉  
 在天半狂波不能侵神蛟穴其中渴虎不敢臨靜照涵秋碧  
 泓然一勺深游潤騰雲飛散作三日霖天造豈無意神化安  
 可等挹之如醍醐盡得清涼心聞之異絲竹不合哀樂音月  
 明羣籟息涓涓度前林子晉罷雲笙伯牙收玉琴徘徊不欲  
 去復發滄浪吟乃云堯湯歲盈盈長若今萬里江海源千秋  
 松桂陰茲焉如有價北斗量黃金范成大白雲泉龍頭高啄

漱飛流玉醴甘溫乳氣浮捫腹煮泉烹鬪勝真成騎鶴上揚  
 州元郊韶登天平山西來山勢森如戟上與浮雲石棧連華  
 蓋九峯當絕壁龍門一道落飛泉幽穿石洞潛通穴下俯天  
 池冷積淵更欲振衣千仞表側身東望洞庭烟翼璫偕林彥  
 達天平卽事籃輿過西郊故指長松樹幽尋得清深古藤蛟  
 蛇聚聊為取徑來復作等澗去峩峩天門山僧坊掩其處稽  
 首忠烈祠茲游有神助違世常獨行會心有同趣手斟白雲  
 泉一洗儒者腐躋攀龍門上滄海欲竟渡狂嘯風雨飛血肉  
 那可住俯觀大千界莽蒼盡回互病夫杖藜還數息安窘步  
 之子凌絕頂相失不可遇俯廊把臂笑物色方受句跣跌贊  
 公房茶甌要深注蹇予每多艱沮洳沾兩屨肩僕亦已痛重  
 負寧少怨前途更回首空翠洒嵐霧持此將安歸濟勝自非  
 具知津問長沮無淚洒羊祜平生樽酒期中秋月當戶明高  
 啓龍門龍門何崢嶸此地表奇蹟山分兩崖青天豁一罅白  
 知非禹功鑿想是鬼手擘長為風雨關開關自朝夕深含未  
 吐雲對峙不崩石日光寒易傾苔色陰更積只疑過此內別  
 與人境隔始窺已幽深漸入尤險窄暗中把危藤蜿蜒欲驚  
 魄僧留看古刻敲火照絕壁晚間松聲號胸若波浪激不知  
 神魚飛到此誰點額我嘗謁真龍天門謬通籍何必更區區  
 求為李膺客王寵天平山萬嶺遙躡伏天平勢自雄翠屏藏

洞穴紫霧溢虛空戈戟龍門拱風雲  
鳥道通蒼蒼殊不極長此鎮吳中

華山在府西三十里老子枕中記吳西界有華山可以度難吳地記吳縣華山晉太康二年生千葉石蓮花故名圖經續記此山獨秀望之如屏或登其巔見有狀如蓮花今蓮花峯是也姑蘇志山半有池在絕巘橫浸山腹逾數十丈又名天池山山有石屋二四壁皆鑿浮屠像又有龜巢石虎跑泉蒼玉洞盈盈池地雷泉洗心泉桃花澗秀屏鳥道石壁鐫華山鳥道四大字趙宦光諸景宋張廷傑居此以山宜就隱乃營墓立宅改名就隱山山南為華山寺北為寂鑑庵康熙二十八年己巳春聖祖仁皇帝南巡駐蹕蘇州欲游華山因雨不果

御筆題清遠二字并製欲游華山不果詩三十八年己卯夏

聖祖仁皇帝南巡幸華山

御製詩

御書翠巖寺額山之東南出蓮華峯背有支公洞其南為鹿山

漢陽山野演山西為清流山東南為龍池山今名隆池又南為一

雲山一雲庵在焉茅山亦名小茅山華山連接有三嶺一湟

盤嶺一雞窠嶺一賀九嶺相傳吳王登此賀重九崖壁有賀九嶺三大


字過湟盤嶺遂接支硎之南峯

聖祖仁皇帝欲遊華山不果欲向青山澗壑行春雲又變曉雲

輕鉤陳不遣驚禪定恐礙池邊碧草生元顧仲瑛游天池縈紆白雲路窈窕青山聯秋

風吹客衣逸興良翩翩捫蘿度絕壁躡磴窮層巔崖傾石欲  
 落樹斷雲復連兩峯巖牙門中谷何廓然大山屹登登直欲  
 摩青天小山亦磊落飛來墮其前陰積古鐵粲粲開青蓮  
 神斧削翠骨天沼涵靈泉玉龍抱寒鏡倒影清秋懸憶昔張  
 貞居寄我琳瑯篇逝者不可作新詩徒為傳舉酒酌白日萬  
 壑生淒烟幽歡苦未足落景忽已遷美人胡不來山水空清  
 妍明高啓遊華山靈峯可度難昔見枕中書天池在其巔每  
 出青芙蓉湛如玉女盆雲影含夕虛人靜時飲鹿水寒不生  
 魚我來屬始春石壁烟霞舒灑灑月出後泠泠雪消餘再泛  
 知神清一酌欣慮除何當逐流花遂造仙人居王世貞月夜  
 遊天池上方天池此夜月回彩映諸天忽自牟尼捧如從象  
 罔懸千林青瑣碎一澗碧潺湲峯奪五湖色城噓萬井烟靜  
 聞僧偈婉深現佛燈圓玉借蓮花頂金添貝葉編獨棲成水  
 觀小坐息塵緣何處生公石殘更又管絃葛應典咏天池碧  
 雲十里山重重舉首忽見蓮花峯晴嵐飛空展蒼碧午陰匝  
 地搖長松遊人著脚萬松頂蜿蜒細路凌飛筇不知去地幾  
 千丈乃有寒瀨流琮微波吹魚動石脚倒影落鏡浮雲容  
 臨流弄玉搖明空中照見青芙蓉穹崖孽鐵迸雪乳定出  
 天造非人功下方春來萬井渴安得此澤常溶溶我疑高源  
 隱天漢或是陰壑蟠蚪龍又疑造物喜變幻顛倒景象潛其

蹤不然水濕本就下一泓上去何從嘗聞此山可度難靈  
 區信是千年鍾枕中秘記誰復悉異人有在何當逢本朝  
 潘耒登華山東吳之山千萬重就中秀拔蓮花峯湖光浴出  
 青芙蓉烟鬟霧縠春妝濃山根夾道羅長松嘈嘈天籟鳴霜  
 風怪石凝立如驚鴻奔雲捲石石撼空半山一禪院岌業開  
 層宮盤雲結翠旣窈窕錯金鏤碧還玲瓏誰其隱者晉支公  
 近有趙朱追高蹤云有靈藥在絕頂服之白日能飛沖我登  
 茲山巔拂袖開空濛千葉之蓮渺何處但聞驚飈怒號排雲  
 走霧飄若蜿蜒駕驪龍又見連山四合若長波蕩海感沓奔  
 湧而朝東使人對此開心胷八荒茫茫不可辨三山窮髮何  
 朦朧五湖如杯江如線浮青繚白殘霞中吾聞中原之山高  
 萬仞呼吸可與帝座通吳中諸山若培塿今茲登眺亦已雄  
 丈夫終當汗漫遊五岳倒騎日月凌蒼穹顧嗣立晚度小嶺  
 由龍池遊華山松徑山行爽游目窮日孤懷騁佳處雖涉獵  
 終勝燭夜秉杖藜陟坡陀瘦日淡清境磴蘚當路滑亂石斜  
 復整鋪白映蕎麥援藍掇枯梗倦脚倚顛厓彭亨漲蛙鼃林  
 聲敲淙琤雲勢頓勇猛風緊鳥轉疾人喧山愈靜龍池水增  
 波老樹浸盤瘦意行仰看山不覺溪路永夾道列長松散亂  
 蒼髯影寒衣踏日光流水涵藻荇小亭陰沈沈綠色變晝景  
 鬚眉寒蕭森坐久衣裳冷蓮花擁絕巘倚天立頑曠影落玉



女盆搖蕩深淵靚臨流戲濯足奇句寧可省如船藕十丈敢  
向太華請夜月吐豔豔於焉托幽屏雉尾搖赤杉鴨脚踏落銀  
杏殘秋更淒涼孤影抱虛警天池沒落日  
滉漾碧千頃安得上上頭決皆望諸嶺

金山亦天平支隴初名茶塢山晉宋間鑿石得金易今名楊循  
吉金山雜志山高可五十丈多美石巉巉高聳皆碧綠色山  
左有石九偉而峭或題其上曰最勝字徑丈餘筆力奇勁相  
傳五代隱士陸通所書今為人斧去又一石方二丈餘平坦  
如砥在山半名繙經石石梁橫架兩壁其下空洞通人行或  
謂類天台石梁因名羅漢橋有泉在山壁上注下小池承之  
冬夏不竭名珍珠泉山頂盤石有坎闊三尺許長二丈許深不  
可測名曰雲瀨其趾有方石池旁有育王塔山之東嶺有文

殊庵東南為牛眠庵此山近為採石者破壞循吉所記十不

存一矣

明杜庠金山闔閭城外翠微間楊子江心白浪灣踏破芒鞋踪跡徧始知人世兩金山

金碧山在太平山東一里牛頭塢普賢寺後

秦臺山在太平山西與笏林相近巔峯大石刻秦臺二大字相

傳秦始皇遊會稽登此故名

一名晨臺又名神臺

其南則羊腸嶺嶺右

為白羊山嶺南為赤山長數里土石多赭色明洪武初詩人

楊基家其下

仰天山在赤山東距天平不五里舊名馬鞍山宋范文穆公成  
大營墓於此以地近天平且慕范文正為人故改今名傍有  
覺嚴寺為文穆奉祠之所今廢

靈巖山在府西三十里高三百六十丈一名硯石山山連巘邨  
 產石可為硯故名吳越春秋闔閭城西有山號硯石上有館  
 娃宮又名石城山越絕書硯石山有石城去姑蘇山十里寰  
 宇記引郡國志石城山有吳王離宮越獻西施於此山有石  
 馬望之如人騎南有石射棚又名石鼓山山之西北絕頂為  
 琴臺范成大謂下瞰太湖及洞庭兩山滴翠叢碧在白銀世  
 界中是也自臺而東為走馬街又東有池三日硯池翫花池  
 月池或云上方池金蓮池硯池或又云硯池即翫花池吳志山上有池旱亦不涸中  
 有蕪甚美夏食之則去熱井二圓曰吳王井八角曰智積禪  
 師井或云圓曰日池八角曰月池井之陽為涵空閣其西南石壁峭拔曰

佛日巖其中平坦處為靈巖寺有塔曰靈巖塔塔前石壁聳  
 起為靈芝石循塔南西上有小斜廊為響屨廊亦曰鳴屨廊  
 東為百步街石龜石羅漢在焉又石上男女足跡俗呼吳王  
 西施跡街之南為西施洞圖經續記吳王囚范蠡處自館娃宮至此皆詳見古蹟洞右有牛眠石前為出洞龍貓兒石東西為二划船  
 塢蓋吳王渚水以戲龍舟之所其下為妙湛泉明萬歷初太  
 倉士人曹允浚得之此山數十里外望之即可辨高啓云靈  
 巖拔奇挺秀若不肯與眾峯列尤多奇石嘉靖後屢經購采  
 遂多殘毀舊志所載什亡二三萬歷四十一年權部馬之駿  
 給價官買勒石禁采康熙二十八年己巳春



聖祖仁皇帝南巡幸靈巖山

御書巒翠二字

宋胡瑛登靈巖攝身下蓬萊放浪雲水跡非無簡書畏心賞寄泉石亭亭雲間塔勝地聞自昔

梯空上青冥如鳥著兩翼化城出天半寶甃坦如席環山劃中斷裂地開震澤嗟我東西峯觀闕倚空碧干尋香逕遙劍臥漣漪直當年館娃宮六月避暑夕琴臺延薰風萬女延阿錫牛耳爭齊盟鳥喙已攫食百家甬東郵託足歸無宅焉知陵谷變大厦響千舄矧茲風塵際樓殿漏山脊安隱大火中顯允像教力興予浩劫嘆萬法本空寂元陳秀民登靈巖寶殿壓崔巍華池頂上開山從太白出水自洞庭來閣樹聯珠塔巖花照石臺吳王清暑地那得有塵埃明楊基遊靈巖單艦集羣英席窄坐每盃烟橫半掩寺木落全見塔斜流出渠分曲徑轉溪合郵妝妍醜並野話悲笑雜童操吳音聞僧作梵偈苔霜苔滑難躋露棘朽易拉磴紆蠟緣樹屏敞蝸啓闔娛賓列五豆禮佛過三匝晴厓曠憂雨秋洞寒疑臘窓攀盜果猿簷入避鷗鷺掬池萍沾袖憩石蘚汗衲琴亡荒臺弄屨響回廊踏值險每思筇得奇卽傾榼感深怒鬚磔愁極衰鬢颯華年倏川駛雅量浩海納嘯歌激歛獻雄辨肆交沓禪寂虛無量道祖清淨蓋喧囂蝸觸蠻變幻雀化蛤狂游類飲耐

薄宦避囓蠟終當謝塵鞅掃屋分坐榻

玉遮山在陽山南橫列如屏今但呼爲遮山

盧志作查山山有臥牛

峯讀書臺鉢孟泉仙人洞千步街洗硯池積綠園臥花坡千

年松百丈厓十景其南爲按山化山苦竹山北爲蜀山山半

大石拔起曰鶴石寰宇記晉太康二年掘得石鳳凰因又名

鳳凰山北爲野虛山亦曰雅虛兩山夾峙中有路通俗名風

街東南有貞山初名蒸山以其雲氣如炊也東有官山馬山

又東爲雅宜山本名雅兒唐青州刺史張濟女雅兒葬此

吳語兒爲倪因傍有小山曰菽茹亦名箬如或云卽雅宜山其南

有朝山陂陀曼衍至奇禾嶺一名岐荷衆山相連不可名狀又東

則五城山至金井塢又東則真如塢與小白陽山相連

元倪瓚雅

宜山竹枝詞娜如山頭松栢青闔城外短長亭來山未久入城去駐馬回看雲錦屏娜如山頭日欲西採香徑裏竹雞啼南朝千古繁華地麋鹿蒿萊望眼迷

小白陽山一名伏龍山在金井塢南山趾舊有寄山庵今廢其

東南為博士塢彌陀嶺竺峯嶺又東南則獅子巖在嶮邨上

又南則野芝塢皆連屬靈巖山

錦峯山在陽山西南產石紫赤色而秀潤故名宋兵部尚書鄭

起潛居此淳祐中理宗書錦峯二字賜之其西北為新豐山

鄧尉山在府西南七十里錦峯山西南相傳漢有鄧尉隱此亦

名光福山以地名光福里也山之東麓二里有妙高峯下有

七寶泉山之西北曰龜山光福塔在焉俗名塔山盧志龜山

上有光福寺即梁九真太守顧氏之家山也

俗云顧野王宅者非龜山

北為虎山中通一溪跨以石梁名虎山橋其西南有鳳鳴崗

明蔡羽煮七寶泉玉音丁丁竹外聞濤淵青空出樹根脂光栗栗寒辟塵冰壺越宿長無痕碧山無雞犬車馬不到邨支公三昧火自閉桑下門東風細落巖畔花煎聲忽轉羊腸車建州紫磁金叵羅錢塘新揀龍井茶瓊液津津流齒牙相如有文渴陸羽無宦情相逢開士家七椀同日傾茶爐若過銅坑去石上長罌仔細陳王寵七寶泉七寶在空翠谷口桃花流諸天香雨散百道白虹浮華頂通海脉空中鳴天球陰山落寒氣二月思貂裘漸令神思爽坐使沈疴瘳攜來雙玉瓶酌以黃金甌雲英入兩腋漸覺風颼颼長歌賦歸來去向瑤池頭一本朝汪琬登鄧尉山鄧侯棲隱處聞在西南峯昨投山僧宿迢遞尋遺蹤足履一片雲手攀千尺松俯視太湖水孤光淡濛濛稍見烟中邨微聞谷口鐘崖隙露白日洞門生雷風飛泉激潺湲寒花弄蒙茸往事不可問昔賢何由逢但覺勝槩殊彌令幽趣濃誓將遣塵慮長依采芝翁

元墓山在鄧尉山東南六里相連不斷本一山也相傳東晉青州刺史郁泰元葬此故名明初萬峯和尚居之又名萬峯山袁袞遊記吳之山惟元墓最僻亦最奇面湖而險隩丹崖翠閣望之如屏背鄧尉而來法華障其前銅井青芝迤邐其右游龍界其左尤奇在絕頂一登則洞庭諸山悉陷伏於湖而湖波混茫蕩為一色山有聖恩寺即萬峯和尚道場寺後奇石俗謂之真假山有盧熊所題神獅出岫海湧門汲硯泉涵輝洞峭壁巖螺髻峯流雲洞凌空橋八景康熙二十八年己巳春

聖祖仁皇帝南巡

幸聖恩寺宿四宜堂山半有五雲洞顧天敘所闢俗名老虎洞康麓

為柴莊嶺米堆山迤南為錢家礪又東南為呂山周山西為

石脾山迤南為竺山亦名竹山南為法華山一名鉢孟山亦

名烏鉢山又南為漁洋山二山西南北三面皆在湖中峯塢

幽闐遊者鮮至元金問登元墓山昔年湖上極躋攀萬壑千巖紫翠間風便有時聞梵唄雲深無處覓禪

關鹿眠過戶花陰合鶴夢驚秋草色斑何日相等重著屐放舟依舊到前灣明王穉登看梅過元墓山中橋外花開日分

明雪作圖不將他樹雜未有一家無多處半青嶂香時過太湖濁醪元易得市遠亦須沽本朝王士禎登元墓由米堆

山下行至上陽邨錢家礪望湖中漁洋法華諸山杖策信忘疲行行畫圖裏崎嶇下雲壑蒼茫望烟水石徑何盤紆疎籬

照梅蕊寥落重湖濱柴門數家市居人太古風但解數雞豕語我種植法敦樸有奇理雖非角里儔頗謂桃源比透迤到

湖濬浩渺歎觀止震澤控三江波瀾此方始法華表東陞漁洋正相似烟雨春空濛峯巒暮俶詭昨朝梵天閣遠眺如隱

几豈知方丈山忽落芒鞋底  
欲乞五湖長垂釣將已矣

彈山在元墓山西橫亘五六里山南石樓名萬峯臺所據極勝

南為聚塢山西南為潭山又西南為蟠螭山俗呼南山斗入

湖中作蜿蜒狀山頂有塢石壁四周大可數畝奇峭嶄截如

削又有蜂腰石龍泉諸勝東北為騎龍山長岐嶺小雞山笠

澤叢書小雞山在光福西五里土多石寡無大林木盧志謂即彈山

者東南為青芝山稍北為五峯山珍珠塢在其下

西磧山在彈山西北其巔有划船石北麓有熨斗柄長百餘丈

西麓怪石巉巖有泉注出石罅曰夾石泉稍南有白魚泉山

之西南為迪山東南為鐵山石色如鐵故名皆梅花最深處

又南為茶山亦名繡裘山狀類土阜通體皆石南去太湖不

百步六浮小峯若杯楪在案間明萬歷間嘉定李流芳欲建

六浮閣於此不果明吳寬游西磧諸山昔年曾學登山法縱步不憂山石滑舍輿徑上鳳崗頭趁此涼

風當晚發遠山朝士抱牙笏近山美人盤鬢髮我身如在巨海中青浪低昂出復沒山下人家起市廛家家炊烟起曲突

梅林屋宇遙復見一似野鳥巢木末山僧見山如等閒翻怪羣山競排闥偶憑高閣發長笑笑我何為躡石鉢夕陽滿目

波洋洋西望平湖更空闊山靈為我報水仙預設清冷供酒渴吳人非不好登山一宿山中便愁絕扁舟連夜宿湖口舟

子長篙未須刺懶游已笑斯人駭狂遊不學前輩達若邪雲門在於越何必青鞋共布韉李流芳題六浮閣圖詩并記余

買一小邱於鐵山之下登陟不十步而盡攬湖山之勝尤於看梅為宜蓋踞花之上千郵萬落一望而收之久欲作一小

閣名為六浮六浮之名遂滿人耳而閣竟不成武林鄒孟陽見余歎息每欲代為經營今日始引孟陽至其地亦復叫絕

不能已余因為作六浮閣圖兼題一詩冀孟陽無忘此盟時丁巳八月十八日也十年山閣不得就負却青螺日夜浮故

人已見豁雙眼何日三閭消百憂冰花琪樹亂檻外銀山雪  
 屋排簷頭百年有錢作底用一朝卜築偕行休君家西湖我  
 震澤往經冬夏來春秋十千到手即可辦非我求君君自謀  
 本朝錢謙益歷西磧彈山銅坑還憩眾香庵吳山環西南  
 其山秀而嶧鬱盤起元墓迤邐屬西磧梅花生其中居然好  
 宮宅譬彼冰雪姿綽約處姑射回環其區水粘天浸寒碧空  
 濛滋霜根浩渺蕩月魄湖山蓄氣韻烟霧發芳澤所以西山  
 梅迴出凡梅格我來早春時發興蠟雙屐探奇忘晴雨尋花  
 越阡陌茫茫梅花海上有花霧積不知何處香但見四山白  
 籃輿度花杪登頓旋已易恍惚如夢境愕眙眩游跡縱覽乘  
 朝曦留連坐日夕殘陽挂烟樹橫斜似初月清游  
 難省記勝情易追昔還恐梅花神茫茫笑逋客

銅井山即銅坑山在彈山東北與西磧並峙相傳晉宋間鑿坑  
 取沙土煎之成銅故名山頂有巖洞其懸溜匯而為池名曰  
 銅泉山之西為孫家嶺迤南為孫家堰東為馬駕山俗稱吾家山者  
 向未有名山不甚高四面皆樹梅 本朝康熙中巡撫宋

犖題香雪海三字於崖壁其名遂著二十八年己巳春

聖祖仁皇帝南巡臨幸駐賞山之北為觀山朝士塢又北為烏

龍山

安山在烏龍山西北東有呦里山西北五里為西華鄉有吾家

山山有聚秀峯秀峯寺在焉又有菲岡山石帆山褚山邢山

長山游城山

包山在府城西一百三十里太湖中水經注作苞山今通謂之

包山以四面皆水包之故名或謂仙人鮑靚所居遂呼鮑為

包一名林屋山以山有林屋洞也一名洞庭山以湖中有洞

山庭山也俗名西洞庭山郭璞云山高七十丈周迴四百里

輿地志周迴一百三十五里盧志周迴四十餘里具區志周迴八十餘里

遙望一島而重岡複嶺茂林平野仙庭佛刹鐘梵相聞房瑄云不遊洞庭未見山水

信非虛也其諸峯皆秀異而縹緲峯最高亦名杏登其巔則

吳越諸山隱隱在目峯頂有龍穴鷹頭石紫雲泉峯之左名

第四峯縹緲之南為竹塢嶺嶺東為上方山又東為羅漢塢

毛公壇在其陰詳見古蹟羅漢之南為雞籠山一博山竹塢之南

為飛仙山稍西為秦家嶺自秦家嶺折而南踰拋壺嶺為下

方山東為洞山亦名龍洞山林屋洞在焉揚州記包山石穴

即十大洞天之第九林屋洞天也洞天福地記名左神幽虛

之天道書洞有三門同會一穴一名甬洞一名丙洞一名賜

谷洞中有石室銀房金庭玉柱石鐘石鼓內石門名隔凡漢

書注洞庭穴道潛行水底無所不通號為地脉寰宇記洞庭

山有宮五門東通王屋西達峨嵋南接羅浮北連岱嶽元中記禹

治水過會稽夢人衣元纁告治水法在山西北鈿函中禹得藏

於包山石室郡國志闔閭使靈威丈人入洞秉燭晝夜行七

十餘日不窮乃返曰初入洞口甚隘約數里遇一石室高可

二丈上垂津液內有石牀枕硯石几上有素書三卷上於闔

閭不識使人問孔子孔子曰此禹石函文也闔閭復命入經

兩旬却返云不似前也惟上聞風濤聲又有異蟲撓人撲火

石燕蝙蝠大如鳥前去不得穴中高處照不見巔左右多人馬跡

林屋洞之外亂石如犀象

牛羊起伏蹲臥者曰齊物觀東北高起千尺蒼然壁立者曰

曲巖洞山之東為天帝壇山南為大蕭小蕭二山洞庭記云

昔有蕭氏兄弟各居一山學道飛昇於此却洞山西走長而

狹者為梭山一峯斗入湖中為石公山相傳花石綱之役朱  
 勔伐石於此山前二石對峙水中謂之石公石姥又有劔樓  
 雲梯石板石琴石梁歸雲洞聯雲嶂落照臺蟠龍洞龍床石  
 諸勝其右諸峯高者為白茆山次為纜車山黃家山陸塢山  
 踰支頭嶺為野塢山木壁山踰彈子嶺為植頭山又踰湯坎  
 嶺稍折而南為馮家山東南為龍頭山一名圻山一名龍山  
 今稱大龍山小龍山中有石屋又臨水一石有峯七十二名  
 小洞庭石縹緲之東山勢分為二其一邈迤而北為馬石為  
 鴻鶴山圖經名紅鶴上有神女祠亦名聖姑山又北為鳳凰山七  
 賢山陸邨嶺稍東為天王山桃花塢望崦嶺澱紫山攢雲嶺

公子嶺

一名父子嶺

又東為綠石山金鐸山

續志名金石

洞庭記吳王

藏金鐸於此大歷中於山上得九鐸因立九壇金鐸之北為  
 苦竹山渡渚山相傳吳王伐越嘗於此渡軍縹緲之西其高  
 者為華山次為夏家嶺角頭山山下有洲曰角頭洲一名西  
 崑山洞庭記名新崑山吳莊按太湖中小山之名崑者有四北崑即杜圻山亦名杜圻洲俗稱平  
臺山南崑在銷夏灣本名衆安洲俗稱瓦山西崑即角頭洲東崑在西華峻嘴外舊名三洋洲明季淪沒於湖又次  
 王家嶺雷頭山龜背山龍舌山與王家嶺相直為大步山小  
 步山大步之旁為張公嶺小步之旁為壽山縹緲之北其高  
 者曰涵峯涵峯之東為東湖山西為西湖山又西為水月塢  
 東湖之東為十里山踰新安墩頭二嶺為金峯又踰沙子嶺

為堂里山瞳里山蛇頭山查山與沙子嶺相直為湖漫嶺環  
 西洞庭山有泉十水月寺東曰無礙泉本名水月以宋無礙  
 居士李彌大得名毛公壇下曰毛公泉即毛公煉丹井也天  
 王寺北曰石版泉嚴家山下曰石井泉上方塢曰鹿飲泉法  
 華寺傍曰惠泉銅坑西曰軍坑泉洞庭記吳王駐兵山中嘗  
 飲軍於此龍山下曰烏砂泉徐聖塢曰黃公泉即漢夏黃公

隱處華山寺旁曰華山泉其源有三靈泉蒙泉鑑泉也

水經太湖

有包山春秋謂之夫椒輿地志包山即夫椒山按賀循會稽  
 記夫椒山在洞庭山西北郡國志夫椒山在無錫縣太湖濱  
 寰宇記夫椒山在常州武進縣則包山與夫椒不得為一山  
 明矣又按水經洞庭南有羅浮山浮山東石樓下有兩石鼓  
 謂之神鉦郡國志誤作洞庭山事舊志有沿訛者并論正之  
 明王鏊洞庭兩山賦吳越之墟有巨浸焉三萬六千頃浩浩

蕩蕩如滄溟澗渤之茫洋中有山焉七十有二眇眇忽忽如  
 蓬壺方丈之彷彿日月之所升沈魚龍之所變化百川攸歸  
 三州為界所謂吞雲夢八九於胷中曾不芥蒂者也客曰試  
 為我賦之夫太始沕穆一氣推遷融而為湖結而為山爰有  
 羣峯散見疊出於波濤之間或見或隱或浮或沈或吐或吞  
 或如人立或如鳥騫或如龍鼉之曝或如虎豹之蹲忽起二  
 峯東西雄據有若巨君彈壓臣庶又若大軍之出千乘萬騎  
 旌幢寶蓋繚繞奔赴東山起自莫釐或騰或倚若飛雲旋颺  
 不知幾千百折至長圻蜿蜒而西逝西山起自縹緲或起或  
 伏若驚鴻鷺鳳不知幾千萬落至渡渚迴翔而北折試嘗與  
 子登高騁望近則重岡複嶺噉呀摩豁縈洲枉渚蛇螭緬邈  
 遠則烟蕪渺瀰天水一碧帆影見而忽無飛鳥出而復沒靈  
 巖則返焰孤稜弁山則輕烟一抹此亦天下之至奇也若乃  
 長風駕浪歎山欲野足使人魂驚而汗駭及其風日晴熙穀  
 紋漣漪又使人心曠而神怡至於瑤海上月流光萬頃星河  
 倒懸盪漾山影又一奇也遙山霽雪凝華萬疊玉鑑冰壺上  
 下相合又一奇也風雨晦明頃刻異候烟雲變滅咫尺殊狀  
 雖有至巧莫能為像試嘗與子弔古尊幽則有迴巖穹壑窳  
 窳相通琳宮梵宇暮鼓晨鐘壽藤靈藥美箭長松金庭玉柱  
 石函寶書靈威丈人之所窺也貝闕珠宮繡縠鳴璫柳毅書



生之所媿也翠峯杜圻范蠡之所止息黃邨角頭綺皓之所  
 從逝也而闔閭夫差之跡尤多存者玩月之渚消夏之灣牧  
 馬之城圈虎之山練兵之瀆射鶚之巒出金鐸於淺瀨逸梅  
 梁於驚湍他若毛公燒丹之井蔡經煉藥之墩聖姑絕雉之  
 塘雪竇降龍之淵其石則岌嶭嶙峋瘦漏嵌空牛奇章有甲  
 乙之品宋良嶽有永固之封其泉則困淪感沸甘寒澄碧墨  
 佐君表無礙之名天衣禪留悟道之跡斯地也孫尚書欲卜  
 居而不能范文穆思再至而不果豈如吾人生長茲土依巖  
 架棟占野分圃散爲邨墟湊爲闌闔桑麻交蔭雞犬鳴吠里  
 無郭解劇孟之俠市無桑間濮上之音婚姻相通若朱陳之  
 族理亂不識若武陵之源佛狸之馬跡不到周顒之俗駕自  
 旋星應五車地絕三斑盧橘夏熟楊梅日殷園收銀杏家種  
 黃柑梅多庾嶺梨美張谷雨前茅茗蠶餘萌竹水族則時裹  
 之白鱠殘之銀魴鱸鮒紫自昔所珍吾且與子摘山之莠掇  
 野之茸割湖之鮮釀湖之濃泛白少傅月夜管絃之舟和天  
 隨子太古滄浪之歌弔吳王之離宮扣隔凡之靈窩凌三萬  
 頃之瓊瑤覽七十二之峩峩其亦足樂乎彼岳陽彭蠡非不  
 廣且大也而乏鬼峩之氣天台武彝非不高且麗也而無浩  
 渺之容蓋物不兩大美有獨鍾茲謂人間之福地物外之靈  
 峯是固極游觀之美而未知造化之工且夫天地之間東南

爲下非是湖爲之尾間洩之瀦之則汎濫橫溢江左之民其  
 爲魚乎懷襄之世湖波震蕩非是山爲之砥柱鎮之繞之則  
 奔激暴嚙湖東之地其爲沼乎惟夫天作之寬以納以容地  
 設之隘以襟以帶禹順其流分疏別派三江旣入萬世永賴  
 而後吾人乃得優游於此蓋至是而始知造化之意深神禹  
 之功大唐皮日休登縹緲峯頭戴華陽帽手持大夏節清晨  
 晤道侶來上縹緲峯帶露嗅藥蔓和雲尋鹿蹤時驚颺鼯鼠  
 飛上千丈松翠壁內有室叩之虛磴磨古穴下徹海視之寒  
 鴻濛遇歇有佳思綠危無倦容須臾到絕頂似鳥穿樊籠恐  
 足蹈海日疑身凌天風衆岫點巨浸四方接圓穹似將青螺  
 髻撒在明月中片白作越分孤嵐爲吳宮一陣鬢鬣氣隱隱  
 生湖東激雷與波起狂電將日紅擊磬雨點大金鷗轟下空  
 暴光隔雲閃彷彿巨天龍連拳百丈尾下拔湖之洪粹爲一  
 雲山欲與路回通移時却攏下細碎衡與嵩神物固不測絕  
 景尤難窮杖策下返照漸聞仙觀鐘烟波噴肌骨雲壑填心  
 胷竟死愛未足當生且歡逢不然把天爵自拜太湖公入林  
 屋洞齋心已三日筋骨如烟輕腰下佩金獸手中持火鈴幽  
 塘四百里中有日月精連亘三十六各各爲玉京自非心至  
 誠必被神物烹顧余慕大道不能惜微生遂招放曠侶同作  
 幽憂行其門纔函丈初若盤薄礪洞氣黑跌眈苔髮紅鬢鬢

試足值坎窞低頭避崢嶸攀緣不知倦怪異焉敢驚匍匐一  
 百步稍稍策可橫忽焉白蝙蝠來撲松炬明人語散湏洞石  
 響高玲玳脚底龍蛇氣頭上波浪聲有時若服匿偏仄如見  
 繡俄爾造平淡豁然逢光晶金堂似鑄出玉座如琢成前有  
 方丈沼凝碧融人情雲漿湛不動荷露涵而馨漱之恐滅算  
 勺之必延齡愁為三官責不敢攜一甌昔云夏后氏於此藏  
 真經刻之以紫琳秘之以丹瓊期之以萬祀守之以百靈焉  
 得彼丈人竊之不加刑石匱一以出左神俄不扁禹書既云  
 又伶傳却遵舊時道半日出杳冥履泥惹石髓衣濕沾雲英  
 元籙乏仙骨青文無絳名雖然入陰宮不得朝上清對彼神  
 仙窟自厭濁俗形却怪造物者遣我騎文星桃花塢黃緣度  
 南嶺盡日穿林樾窮深到茲塢逸興轉超忽塢名雖然在不  
 見桃花發恐是武陵溪自閉仙日月倚峯小精舍當嶺耕殘  
 垓將洞任迴環把雲恣披拂開禽啼叫窳險欹眠硯微風  
 吹重嵐碧埃輕勃勃清陰滅鶴睡秀色治人渴敲竹鬪錚樅  
 弄泉爭咽啞空齋蒸栢葉野飯調石髮尤羨塢中人終身無  
 履鞮宋范成大縹緲峯滿載清閒一棹孤長風相送入仙都  
 莫愁懷抱無消豁縹緲峯頭望太湖元王鵬過西洞庭元洲  
 不復見縹緲即芙蓉玉洞連三島金庭第一峯芝香雲氣暖

竹色露華濃我亦尋真者行探虎豹踪明高啓洞庭山朝登  
 西巖望太湖青山在水飛雲孤洞庭縹緲兩峯出正似碧海  
 浮方壺嘗聞此山古靈壤蛇虎絕踪歡樵夫濤聲半夜恐魂  
 夢石氣五月寒肌膚居人彷彿武陵客戶種橘柚收為租高  
 風欲起沙鳥避明月未出霜猿呼中有林屋仙所都銀房石  
 室開金鋪羅浮峩嶷互通達別有路往非人途天后每降龍  
 垂胡神鉦忽響驚棲巖自懸日月照洞內古木陰蔽空朝脯  
 風吹白芝晚易老雲帶紫泉秋不枯靈威丈人亦仙徒深入  
 探得函中符元衣使者不暇惜欲使出拯蒼生蘇後來好事  
 多繼往石壁篆刻猶堪摹千年玉鼠化蝙蝠下撲炬火如飛  
 鳥元關拒閉誰復到似怪衣上腥塵污勿言神仙事恍惚靈  
 跡具在良非誣我生擾擾胡為乎坐見白髮生頭顱久欲尋  
 真未能去局東世故緣妻孥何當臨湖借漁艇拍浪徑渡先  
 雙鳧獨攀幽險不用扶身佩五岳真形圖夜登天壇掃落葉  
 自取薪水供丹爐此身願作仙家奴不知仙人肯許無狂語  
 醉發應盧胡蔡羽登縹緲峯絕頂莫道登高不用扶手招鸞  
 鶴竟如何環來島嶼人問小側去陽鳥寒色多巖下雨來浮  
 碧靄杖頭霞去落蒼波千年石上仙人跡為問王喬幾度過  
 空天風吹不折插根虛無際縹緲為險絕細徑緣山腰人聲

來木末籃輿雜徒步佳處欣屢歇躋嶺路倍艱往往攬垂葛  
 灑氣凌沆寥一身若冰雪輕心出天池羽翮生彷彿杖底撥  
 殘雲了了見吳越曜靈燭滄浪混濛金光發陰霞俄已變慘  
 淡元雲結歸節破膜靄半嶺值虹蜺始知清境杳跡共人鳥  
 滅丹砂定可求苦為妻子奪看君衣上雲飛過松間月汪琬  
 游石公山嘗聞石公山名稱習已熟茲游下筍輿緩步向前  
 麓山色圍暖翠湖光漾晴綠葛花惹衣袂橘刺礙巾幅所遇  
 石漸奇一一煩記錄或如城堞連或如屏障曲或平若几案  
 或方若碁局虛或生天風潤或聚雲族或為猿猱蹲或作羊  
 虎伏或如兒孫拱或如賓主肅或深若永巷或邃若重屋色  
 或雜青蒼紋或感羅縠纍纍高復下離離斷還屬曠或可振  
 衣仄或危容足既疑雷斧劈又似鬼工築不然湖中龍蛻骨  
 堆深谷天公弄狡獪專用悅人目芳草絡根淺孤松施頂禿  
 欹崆上鼯鼠嵌空懸蝙蝠玩之漸忘返苦被同游促平生解  
 愛石拜揖每匍匐急欲買茲山誅茅架椽竹為謀吾已決不  
 假龜策卜惠士奇縹緲峯太湖三萬頃上與銀河連銀河天  
 上落秀出綠水蓮蓮花照灼七十二中有一朵高摩天亭亭  
 迴出紫霞表焰焰獨倚紅雲邊清風吹我上天去振衣笑拍  
 洪崖肩嘈嘈天樂滿空下玉京正欲朝羣仙手攀南斗弄白  
 日六龍欲去仍回鞭散作餘霞半天赤水光雲影相澄鮮顏

輿海月上東嶺玉沙瑤草紛芊眠輕綃片片剪霜葉積素隱  
 隱橫長烟銀臺白浪互出沒恍疑世界兜羅綿憶昨看山九  
 江口搖鞭走馬匡廬前五嶺崎嶇更南度側身遙望羅浮巔  
 尋仙曾遇勾漏令謁帝復飲蒼梧泉歸來刺感不稱意每逢  
 山水差安便俯仰人間三十載團團一任風  
 輪旋從今願賃古仙宅呼吸沆瀣還徂年

莫釐山相傳隋莫釐將軍所居吳地記作莫里洞庭記本名胥

母山 越絕書晝遊於胥母王志母音無或云子胥嘗迎母於此故又名胥母 以其在洞庭山東

俗稱東洞庭山山去洞庭山一十八里盧志周迴八十里 具區

志周迴五十餘里 視包山差小而岡巒起伏大略相似其最高者名

莫釐峯莫釐之東一支自北而南為芙蓉峯翠峯亦名席溫

山山有白龍泉降龍井南為犀牛嶺馬家塢石家塢秦家塢

又南為九峯窳帽峯一支自平嶺而南為蝦蟆嶺象鼻嶺過

偃月岡為葑山一名屏風山亦名大龜山又南為千山嶺高  
峯俞塢一支自西而南北為豐圻嶺上有大石如屏名石壁

震澤編謂柳毅寄書時所扣南為周灣嶺吳灣嶺白沙嶺嘶馬嶺又南為

寒山亦名韓山山之西岸有仙人石又南為崧峯碧螺峯飯

石峯環東洞庭山有泉五豐圻之頂曰海眼泉社下里曰柳

毅泉碧螺峯下曰靈源泉法海寺廢址曰青白泉翠峯天衣

禪院曰悟道泉元湯仲友洞庭東山寒色滿空山翛然一徑

碑帶蘇斑未窮幽絕處與盡忽思還明王鏊與嚴道卿同

莫釐峯微雨發春妍東風花外軟良朋約佳游遙指莫釐巘

平生山水心老脚肯辭繭壺觴紛提攜曲磴屢迴轉小憩山

之腰秘境漸披蕨紫翠蓋幢翻青黃繡裯展須臾造其巔四

顧目盡眩太湖小汀澄風帆時隱現吳門俯可掇越嶠杳難

辨摩挲舊題名斑駁半苔蘚日斜下山椒宵爾迷近遠問途

值樵夫失脚悔已晚懸崖颯伶俦絕壑窺認澳熹微認前邨

山寺吠鳴犬解衣得盤礴仰視坐猶喘韓公鐫華嶽正自恐

不免登高弗知厭持用戒軒冕本朝查慎行登莫釐峯青

天七十二芙蓉個是芙蓉第一峯吳越有山多作案東南無

水不朝宗盪空日氣消飛蜃拔地風聲穩臥龍曾記岳陽樓

畔望肯教雲夢芥吾胷百層風磴盤旋上大似鞴鷹乍解條

放眼不知何處盡置身直覺此峯高沈沈海浦黃雲岸

點點吳帆白鷺濤未免傍人嗤好事重陽已過興仍豪

禹期山舊傳禹導松江以洩具區會諸侯於此故名盧志作禹  
祈山洞庭記一名禹迹山在渡渚山東南三里

鼇頭山一名鼇山吳郡志有石闖出如鼇首故名盧志山悉巨

石有如鼇形之立蓋兩石相脊四角如足與下石相接其間

斷處纔通一指宋宣和間朱勔力欲取之不能得乃碎其首

紀遺集水濱有石鼇眼足皆具如下水狀即此山產青石可

作碑碣亦名旱石山下有石如鳥立者曰雞距石山東湖中有蹒跚見水面者曰鼃殼石

龜山亦以形似名與鼃山相對而差小

以上皆在洞庭山東麓

金庭山一名庭山與玉柱山對峙洞庭記庭柱山在洞庭山東

北九里所謂金庭玉柱也洞中有碁盤石磴皆天然奇跡

玉柱山一名柱山舊志有若石柱巖業者故名

長沙山山有石鏡相傳舟行太湖中人物皆見今失所在居人皆以花果為業

葉余山太湖志山皆葉余二姓一名葉山或云山在渡渚山北吳王渡軍曰此山如一葉之舟移而不動故名

衝山

漫山北近聚塢東近長沙二山相向多桃花居人劈竹編籬風俗最樸

白浮山與石脾山相近

長浮山與衝山相近

瀨頭浮山太湖志名亂頭山

殿前浮山具區志穹山有水平王廟山正當殿前故名

南鳥山

以上皆在洞庭山東北

北鳥山亦名南鳥北鳥舊志有若兩鳥飛欲止者故名

橫山

陰山相傳晉陰長生煉丹處二山與金鐸山相望居人皆以舟  
販為業

大貢山

小貢山二山在貢湖中相傳禹治水曾駐此

五石浮山一名五浮山舊志有若五星聚者故名

茆浮山亦名茅浮山

大千山

小干山

紹山與二千山相連

粥山震澤編吳王飼囚處也

以上皆在  
洞庭山北

思夫山相傳秦有逸人居此采藥不回其妻念之而死故名

琴山以形似名

杵山一名衣杵山亦以形似名

東嶽山

西嶽山吳郡志吳王置男女二獄於此姑蘇志作東嶽西嶽山

曠浮山舊志山土色純白如雪

大墮山

小墮山姑蘇志作大峯小峯山

以上皆在洞  
庭山西北

石蛇山蔡羽記山空地虛舉足有聲

青浮山

以上皆在  
洞庭山西

歷耳山

三山續志山有三峯地相連接舊志昔有吳妃姊妹三人各居一峯殊有靈異山人立祠祀之

澤山

厥山二山與三山相近

簞帽山一名簞帽浮以形似名

筆格山一名筆架山舊志中高而旁下故名以上皆在洞庭山南

岷山一名岷子山在洞庭山東南

大謝姑山

小謝姑山舊志有若二女相對立者故名二山在洞庭山東

武山周一十二里姑蘇志本名虎山相傳吳王養虎於此後避

唐諱改今名山之南麓有木青山雞山相傳吳王養雞處雞

山旁有射鶚山洞庭記吳王築城養雞有鶚下山驅雞王令

人射之故名山下有石嶙峋層疊名石浪山之東麓有檣子

山亦名鳳凰山以上在東山東麓○明葛一龍雞山吳王養

敵築城半入蛟龍窟至今湖上立空名但見殘山不見城驅雞入雲乃誰氏結廬猶傍山中樹本朝吳偉業武山霸略

誇擒縱君王置虎牢至今從震澤疑是射成阜土俗無機穿山風少怒號千秋遺患處誰始剪蓬蒿

余山太湖志一名余侯山震澤編史記名徐侯山山形雖小秀

而蒼翠在東山東北

王舍山一名王舍浮在東山北

箭浮山一名寒山浮舊志首銳而末岐故名在東山西北

苧浮山一名苧山一名葉家浮

大鼉山

小鼉山與鼉山龜山相對其南有蟹殼石

驚籃山在二鼉之間以上皆在東山西

貓鼠山舊志有逸於前若追而及之者故名

石牌山舊志有若穹碑立者故名以上皆在東山東

按太湖中七十二山蔡昇太湖志王鏊震澤編所載互異而王鏊七十二峯記復與震澤編不同今從翁樹具區志載吳縣包山以下五十六山其支山即附見焉餘如馬跡津里杜圻錢堆山屬武進獨山大硯小硯東鴨西鴨三峯山屬無錫大竹小竹山屬宜興小雷山屬長興夫椒小椒大雷山武進與無錫共屬俱不隸郡境不備載

長洲縣

陽山在府城西北三十里一名秦餘杭山越絕書秦餘杭山者

越王棲吳王夫差山也一名萬安山郡國志萬安山下即干

隧擒夫差處史記正義干隧在萬安山西南一里又名四飛

山吳地記以四面視之勢若飛動也顧元慶陽山新錄序陽


山為吳之鎮以其背陰面陽故曰陽山山高八百五十餘丈

逶迤二十餘里大峯一十有五而箭缺最高相傳秦皇射於

此故下有射瀆箭缺之傍有巨人跡長五尺許下有文殊寺

寺內石井大旱不涸有香爐石高聳數丈有白龍塢龍母塚

居其中龍湫在其前方徑千尺深亦如之袁宏道陽山記相傳東晉時有白衣





翁投宿民家其家女遂有孕後產一龍頭角  
宛然冉冉而升女遂驚絕後人立廟祀之  
東北有白鶴山

以丁令威宅名亦名白蟾嶺  
吳地記山有白土如玉甚光潤  
吳人取以充貢號曰石脂亦曰

白堊祥符圖經山出白  
堪可巧漫潔白如粉又名白蓮峯  
以下有白蓮寺也寺今

改名澄照又名澄照山山北大石聳出如蓮花上建佛廬精

舍皆架巖壁下有雲泉水白石上瀉納小池因建庵名雲泉

自此一支東北過金芝嶺曰管山亦曰巘山西為陽抱山青

山寒山彭山西南曰溫山圖山北曰雞籠山吳地記以形似

雞籠故名東南曰象山即福壽山盤迴不絕至南爪山過爬

石嶺而北為北爪山  
元顧阿瑛陽山別起高樓臨碧溪繞樓  
青山雲約齊陽山獨出眾山上却立陽

湖西復西天風吹山帆不起倒落芙蓉明鏡裏影娥池上曲  
關干倚遍秋光三百里白雲不化五彩虹化為天矯之白龍

一朝挾子上天去沛澤下土昭神功土人結祠倚靈洞雨氣  
腥翻海波動紙錢窸窣蜥蜴飛女巫擊鼓歌迎送茲山本是

秦餘杭越兵晝獲夫差王不知誰是公孫聖空谷苔音吳乃  
亡只今此地愁雲黑鐵馬將軍金作勒漢蛇曷識劍雌雄秦

鹿應迷路南北山下花開一色紅花下千頭鹿養茸銜花日  
獻黃面老挾羣時入青蓮宮聞道青霜落林谷斤斧丁丁驚

鳥宿千年白鶴忽飛歸失却長松舊時綠君今坐看樓上頭  
析韻賦詩浮玉舟憑高一覽青未了底事仲宣生遠愁明朝

更踏東山路傀儡湖中觀競渡酒花灑灑泛昌陽醉歸扶上  
樓頭去明高啓登陽山我登此山巔不知此山高但覺羣山

總在下坐撫其頂同兒曹又見太湖動我前洶湧三十萬頃  
烟波濤長風吹人度層嶂不用仙翁赤城杖峯迴秋礙海鷗

飛日出夜聽天雞唱中有一泉長不枯乃是蜿蜒神物之所  
都老藤陰森洞府黑樹上不敢留棲鳥當年禱雨車來此投

金符靈旗風轉白日晦馬鬣一滴露三吳巖巒蒼蒼境多異  
樵子尋常不曾至探幽歷險未得歸忽聽鐘來澗西寺此時

望青冥脫略塵世情白雲冉冉足下起如欲載我昇天行古  
來名賢總何有惟有此山長不朽欲呼明月海上來照把長

生一瓢酒浮邱醉枕肱洪崖笑開口天風吹落浩歌聲地上  
行人盡回首李應楨吳寬張淵史鑑大石聯句巖巖者大石

奇觀人所誦遐想十載餘初游四人共舍舟始登陸杖策不待鞚是時日當夕茲山氣逾滃入門信突兀拾級駭空洞落星何破碎靈鷲宜伯仲仰觀神欲飛俯瞰心屢恐鱗皴苔蘚剝骨立冰雪凍神驅道攜呵鬼劈文錯綜尊嚴凜君臨張拱儼賓送環列盡兒孫擁護等僕從欲假愚公移諒匪雍伯種臥鼓慨桴亡對曰怯杵重猊吻吁未收龍鬣怒難控凝血疑痛鞭立肺詎寬訟上漏還啓窓中通自成街大惟補天功小可砭肌用分矢肅慎來浮磬泗濱貢廉利並攢劒兀臬側倚甕嶧山辱羸秦良岳遺汴宋截彼民具瞻壯哉客難奉落照紅抹赭歸雲白流永僧講點頭磨將射沒羽中塵緣契三生陣圖懷九縱在懸太師擊攻玉詩人諷仙煮充腹飢俗搯免腰痛瑤琨產維揚琅玕出乃雍高題少室名怪作東坡供半空見蝙蝠干仞附青鳳棲禪餘百年問僧僅三衆憑虛圍曲闌架壑出飛棟竹幽補堂坳樹古嵌厓縫竇黑炊烟熏坎平鍾乳壅盤盤棧道危瀧瀧水泉動登頓足力疲眺望眼界空松露髮欲濡潭月手可弄窮攀任生戰醉吟微帶艷列坐對鸞跼大呼應鏗碣嗜癖牛李愚詩戰鄒魯拜奇得顛石憂墮成噩夢試與叩山靈倘買捐薄俸薛章憲陽山大石隕星自天著山巔與天作石知何年舒呀鬣屬斷復裂欲墮不墮相鈎連礲然蹄股躩且跼霜饕雪虐成頑堅夸娥負山歧一

足罔象拔河聳兩肩嵌空室罅罅鬼手剗蜂房聯絡僧廬懸峻嶒石磴蛇倒退決往未省愁攀援還從青衣駕赤犢更覓小有窮兜元沈周游陽山觀大石問寺松篁裏芒鞋苦未停蒸雲山似甌隱石樹爲屏鳥啄臺中食僧翻几上經問來復問去空損石苔青本朝王撫登陽山梯迴磴復逐松聲羣峭摩空類削成海日自明無曉夜湖天不盡有陰晴一泓下注龍湫伏千仞橫開箭闕平坐覽衆山凌絕頂長風吹起暮愁生

徐侯山在陽山西北十里一名卑猶越王葬夫差處

甌山在四都與徐侯山近山顛有七穴如瓦甌故名

恩山顧山在三都相傳龍母產龍三日後龍來省母以報母恩

去時回顧不已故名

高景山在府城西三十里越絕書作高頸山其西麓崖谷盤拱

處曰金盆塢其南爲斜堰嶺亦曰謝宴嶺自吳縣天平諸山

漫衍數里至此而止故此山寔鍾城西諸山之秀雍正間巡撫張楷令石工採石山多殘毀後郡人請於巡撫許容勒石永禁

白豸山即白石山在澣墅北去城三十二里越絕書白石山故為胥女山春申君初封吳更名為白石又云胥女南小蜀山春申君客衛公子塚也

元和縣

虎邱山在府城西北七里吳越春秋闔閭葬於國西北積壤為邱捷土臨湖以葬三日金精上揚為白虎據墳故名虎邱山晉王珣虎邱山銘虎邱山先名海湧山圖經續記虎邱山吳越春秋及越絕書皆以為闔閭葬此有金精之異故名然觀

其巖壑之秀出於天成疑先有是邱而闔閭因之以葬也唐避太祖諱改名武邱山高一百三十尺周二百十丈遙望平田中大阜耳比入則泉石奇

詭應接不暇其最勝者為劍池吳地記闔閭葬其下以扁諸

魚腸等劍各三千殉焉故池以劍名郡縣志秦皇鑿山以求珍異莫知所在孫權穿

之亦無所得其鑿處遂成深澗宋王禹偁以秦皇事詭作銘辨之兩崖劃開中涵石泉深不可測唐顏真卿書虎邱劍池四字石刻猶存其前為千人坐

亦名千人石寰宇記澗側有平石可容千人謂為千人坐圖

經續記生公講經下有千人列坐故名大石盤陀數畝高下

平衍如刻削唐李陽冰篆生公講臺四字分刻四石或云蔡襄所書

臺側有點頭石十道四蕃志生公講經人無信者乃聚石為

徒與談至理石皆黥頭臺下有白蓮池周百三十步巉石旁

出而中有磯相傳生公說法時池生千葉蓮花故名亦即清

遠道士養鶴澗也試劔石在道旁中開如截有紹聖年呂升

卿題字吳地記秦始皇東巡至虎邱求寶劔有虎當墳而踞  
始皇以劔擊之不及誤中石或又云吳王試劔石

憇憇泉在路側梁時餉餉尊者遺跡亦有呂升卿題字或云  
山有

海湧泉即憇憇泉莫可考  
盧志謂即虎跑泉者誤響師虎泉圖經續記在山後倉基

上梁僧惠響嘗居虎邱不得甘泉乃俯地側聽云此有泉遂

鑿石得井泉湧三丈虎為之跑因名虎跑泉盧志作生公  
遺跡者誤石

井泉俗名觀音泉在劔池旁藏經後舊志及圖經續記皆指

為陸羽品定第三泉寔後人所傳會唐張又新煎茶水記載

劉伯芻論水七等以虎邱石井第三第三泉之名昉於此吳

郡志大石井面闊丈餘嵌巖自然上有石轆轤久湮塞宋紹

熙間主僧淘去淤泥四旁石壁鱗皴天成下連石底泉出石

脉中甘冷勝劔池生公池在西嶺翻經臺在生公池東南羅

漢受戒臺在翻經臺西洗盃池在羅漢臺南回仙逕在山西

南煉丹井在回仙逕南五聖臺在山絕頂鐵花巖在劔池側

走砌石在山逕又有可中亭千頃雲悟石軒小吳軒平遠堂

梅花樓仰蘇樓諸勝餘如梁雙殿宋御書閣花雨亭望海樓

陳公樓僅存廢址白雲堂東嶺草堂東軒官廳莫詳所在吳

地記山本晉司徒王珣與弟司空珉之別墅捨為東西二寺

後合爲一佛殿後有浮圖七級卽王珣琴臺故址珣虎邱記  
 山勢四面周回嶺南則是山逕兩面壁立交林上台蹊路下  
 通升降窈窕亦不卒至王僧虔吳地記虎邱山絕巖聳壑茂  
 林深篁爲江左邱壑之表吳興太守褚淵昔嘗述職路經吳  
 境淹留數日登覽不足乃歎曰世之所稱多過其實今觀虎  
 邱踰於所聞宋何求及弟點允陳顧越唐史德義並隱此山  
 宋紹興中洛人尹焯避地山中書堂存焉山向在平田中游  
 者由阡陌以登唐郡守白居易鑿渠築堤以通南北今之山  
 塘是也又鑿山麓引水四周溪流迴映極宵深幽邃之致  
 本朝康熙甲子以後

聖祖仁皇帝南巡屢幸是山上建

行宮

萬歲樓又有

御書亭碑勒

御題虎邱山詩

聖祖仁皇帝虎邱山試劒空存石生公尙有臺愛看山後景錯

落野田開

晉顧野王虎邱山序夫少室作鎮以峻極而標奇太華神掌以削成而稱貴若茲山者高不抗雲深無藏

影卑非培塿淺異棘林秀壁數尋被蘭杜於苔蘚椿枝千仞  
 挂藤葛與懸蘿曲澗潺湲修篁蔭映路若絕而復通石將頽  
 而更綴仰巨麗之名山信大吳之勝壤若乃九功六義之興  
 依永和聲之製志繇興作情以詞宣形言諧於韶夏成文暢  
 於鐘律由來尙矣未有登高能賦而韜斐麗之章入谷忘歸  
 而忽鏗鏘之節故總轡齊鑣競雕蟲於山水雲合霧集爭歌

頌於林泉於時風清遂谷景麗修巒蘭佩堪紉胡繩可索林  
 花翻洒乍飄颺於蘭臯山禽嘯响時弄聲於喬木斑草班荆  
 坐礚石之上濯纓濯足就滄浪之水傾縹緲而酌旨酒剪綠  
 華而賦新詩肅爾若與三徑齊蹤鎗然似共九成偕韻盛矣  
 哉聊述時事寄之翰墨梁張種與沈炯書虎邱山者吳岳之  
 神秀者也雖復峻極異於九天隱磷殊於太乙襟帶城傍獨  
 超眾嶺控繞川澤顧絕羣岑若其峯崖刻削窮造化之瑰詭  
 絕澗杳冥若鬼神之髣髴珍木靈草茂瓊枝與碧葉飛禽走  
 獸必負義而膺仁是以歷代高賢輕舉栖託梵臺雲起寶刹  
 星懸自非玉牒開祥金精蘊耀豈其神怪若此者乎沈炯答  
 張種書若乃三江五湖洞庭巨麗寫長洲之茂苑登九曲之  
 層臺山高水深雲蒸霧吐其中之秀異者寔虎邱之靈阜焉  
 冬檜夏栢長蘿修竹靈源秘洞轉側超絕遠澗深崖交羅戶  
 穴宋朱長文虎邱詩題詞虎邱之景蓋有三絕望山之形不  
 越岡陵而登之者見層峯峭壁勢足千仞一絕也近臨郭郭  
 蘊起原隰旁無連屬萬景都會西聯穹窿北亘海虞震澤滄  
 洲雲氣出沒廓然四顧指掌千里二絕也劍池泓渟徹海浸  
 雲不盈不虛終古湛湛三絕也兼是絕景冠以佛宮寶塔精  
 廬重樓飛閣礚嶮峻嶒梯巖架壑東南之勝罕出其右陳張  
 正見從永陽王游虎邱山滄波壯鬱島雒邑鎮崇芒未若茲

山麗峒巖擅水鄉地靈侔少室塗難像太行重巖標虎踞九  
 曲峻羊腸溜深澗無底風幽谷自涼柗沈餘玉氣劍隱絕星  
 光白雲多異影丹桂有叢香遠看銀臺竦洞塔耀山莊瑞草  
 生金地天花照石梁唐李峴劍池闔閭葬日勞人力羸政穿  
 來役鬼工澄碧尚疑神物在等閒雷雨起潭中宋蘇軾虎邱  
 入門無平地石路穿細嶺陰風生澗壑古木翳潭井湛虛誰  
 復見秋水光耿耿鐵花秀巖壁殺氣禁蛙黽幽幽生公堂左  
 右立頑礦當年或未信異類服精猛胡為百歲後仙鬼互馳  
 騁窈然留清詩讀者為悲哽東軒有佳致雲水麗千頃熙熙  
 覽生物春意破淒冷我來屬無事暖日相與永喜鵲翻初旦  
 愁鳶蹲落景坐見漁樵還新月溪上影悟彼良自哈歸田行  
 可請方仲荀虎邱山海湧起平田禪扉古木閒出城先見塔  
 入寺始登山堂靜參徒散巢喧乳鶴還祖龍求寶劍曾此鑿  
 孱顏鄭思肖虎邱山何年海湧來霹靂破地脉裂透千仞深  
 嵌空削蒼壁山潤石乳甘秋冷鐵花碧闔閭雲空愁銀虎去  
 無跡蛟龍鎮奇險拱護梵王宅元陳基游虎邱十五年此  
 地游化人城闕俯滄洲靈池有眼還通海頑石無心却點頭  
 故國山川吳霸業名家臺沼晉風流明朝又上涵空閣一覽  
 江湖萬里秋陳普題虎邱干將化龍飛上天寒崖古木俱蒼  
 然大星西隕化盤石銀河倒流通劍泉山鬼夜嘯或風雨坡

仙浩氣凌雲煙行人慎勿歌團扇誰識風流晉代賢李源道  
 虎邱劔池倚天長劔斫山破劈石對峙寒潭清何年自出造  
 化異萬古不與豪雄爭澗深黑虎威猙立樹老青龍鱗甲生  
 蓮花峯頭有玉井誰當並此賦崢嶸郊韶虎邱春草青青繞  
 闔閭山深石徑轉崎嶇空聞落日騰金虎無復重泉闕玉符  
 陸羽井深春雨歇生公石在白雲孤傷心莫問魚腸劔怨逐  
 秋聲上轆轤郭麟孫游虎邱海峯何從來平地湧高嶺去城  
 不七里幻此幽絕境芳游坐遲暮無物惜餘景樹暗雲巖深  
 花落春寺靜野草時有香風絮淡無影山行紛客人金翠競  
 馳騁朝來有爽氣此意獨誰領我來極登覽妙靈應自省遙  
 看青數尖俯視綠萬頃逃禪問點石試茗汲慈井意行忘步  
 滑野坐怯衣冷聊為無事飲頗覺清晝永藉草方醉眠松風  
 忽吹醒吳簡登虎邱巨靈夜竊吳剛斧劇雲分得蓬萊股巉  
 巖老石甚雄武女媧不敢支天柱六丁移近吳城傍土花剝  
 蝕干風霜神膏迸蘇流玉漿碧泉澄露飛金光當時湛露淬  
 秋月西走荆秦南竄越館娃宮成鋒卽缺斷煙荒草長愁絕  
 我來適興登高墟浩歌醉倒黃金壺百年榮悴君知無西施  
 未必能亡吳明高啓重游虎邱與張憲金起王隅聯句飛梁  
 上當空直壁下插水兩樹交古陰孤亭倒清泚初至意已愜  
 再陟神亦靡氣銷淵龍藏骨朽山虎死蒼崖出鬼詩金藏閱

僧史霸圖渺何在此世事果如此佳游信難遭壯志良未已凭  
 闕瞰神州樹羽訝軍壘未覩烟塵清且耽林壑美臨風揮一  
 觥藉草脫雙履鶯啄朱果殘蜂抱黃英委琴咽斜陽蟬碁戰  
 欲雨螳溽暑避松篁輕涼透藤椅眯目尋黑甜潛心玩元旨  
 籟響破虛寂香清飄旖旎飯鐘隔烟來樵笛吹月起整轡戒  
 僕夫揖鞭謝釋子屣聲吹喧呵騎影歸迤邐遺戀向脊然重  
 來那復爾明發抗塵容何由繼芳趾劔池干將欲飛去巖石  
 裂蒼嶺中間得深泉探測費修綆一穴海通源雙崖樹交影  
 山中多居僧終歲不飲井殺氣凜猶在棲禽夜頻警月來照  
 潭空雲起噓壁冷蒼龍已何去遺我清絕境聽轉轆轤聲時  
 來試幽茗湯仲友虎邱虎是何年踞名存跡已亡塔從林外  
 出山向寺中藏池暗生寒氣臺荒愛夕陽更無人弔古來祇  
 爲春忙徐賁劔池闔閭試劔處靈泉湛澄靜苔光漬餘血石  
 色帶古礦空山秋氣寒幽林夜光冷月明樹交碧人靜霜折  
 綆古懷且當置清景庶足領黃省曾虎邱芙蓉近倚闔閭城  
 眺閣觴樓逐勢成珠寺翻爲歌舞地青山盡是綺羅情巖花  
 吐學紅粧麗谷鳥啼兼鳳管聲十里垂楊芳草岸四時嘗映  
 彩舟行本朝陳鵬年遊虎邱塵鞅剛餘半晌閒青鞋布鞵  
 也看山離宮路出雲霄上法駕春留紫翠閒代謝已憐金氣  
 盡再來應笑石頭頑棟花風後游人歇一任鷗盟數往還

尹山在葑門南十八里相傳尹吉甫葬地或云尹和靖讀書處  
大姚山在葑門外三十五里陳湖濱

張林山在甫里鎮距府城五十里與崑山縣接壤

周和山在婁門外三里

白蠅山在府城東三十里陽城湖濱

夷亭山在府城東三十五里陽城湖南去夷亭鎮三里

崑山縣

馬鞍山在縣治西北一里廣袤三里高七十丈寰宇記形如馬  
鞍因以名之始縣以華亭之崑山得名後崑山割隸華亭縣  
遂呼馬鞍山爲崑山其山孤峯特秀極目湖海百里無所蔽

山陽有慧聚寺山巔有華藏寺及浮圖七級南有桃源洞西  
來峯小茅山小雲臺小天台賽武當北有鳳凰石兩界山紅  
葉峯西有天開神谷瑞光深處巨靈掌一線天野豬峯長揚  
洞西南有紫雲巖東有梅花峪清風峽巧雲石犀盃石飛來  
峯秀壑諸勝又有文筆峯奇崖峭立絕壁孤峙踞一山之勝  
下有泉井相傳宋孝宗時奎星現於此

本朝康熙四十四年

聖祖仁皇帝南巡駐蹕崑山登文筆峯因建

皇殿於上山向有翠微連雲凌峯西隱諸閣豐年凌虛春風思  
賢東巖留憩諸亭夕秀翠屏疊浪壓雲留雲諸軒巖陰慧照



素琴少休諸堂歲久皆不復存今所存者玉林堂百里樓曇  
 花亭諸處而已山先無樹木明正統間知縣羅永年植栢于  
 章名郎官栢山多奇石秀質玲瓏如玉好事者得之以為珍  
 玩云

聖祖仁皇帝登文筆峯萬井人烟春雨濃菜花麥秀滋蒙茸登

高欲識江湖性染翰留題文筆峯元楊維禎與顧仲璣姚子章張叔厚于彥成郊九成聯句

二月二十日樓船下婁江破浪擊長艣驚鷗簸高杠海峯遙  
 古色石樹鳴悲腔躡磴履齒齒登堂鼓逢逢地險立孤柱天  
 垂開八窓烏升海光浴鴛鴦風力降番賊夾閩估越謠雜吳  
 隴仙樵推結萃胡佛回斜麗婆律噴獅鼎琉璃照龍缸層軒  
 坐疊浪落筆飛流淙愛此韞玉石豈曰取火缸文脈貫瓊瑛  
 密韻含巽缸驅羊欲成萬種璧得無雙多令文章伯萃此禮  
 義邦龍駒幸識陸鳳雛亦知龐翠筭掉文舌茜衲折幔幢敏  
 思抽連繭雄心鬪孤縱句神躍冶劔才捷下水鱧磬聲重寡

和鼎力輕羣扛昆渠詩已就誰謂隴頭瀧郭翼鳳凰石天星  
 墜為鳳疊浪耀靈景獨立白玉崗如在赤霄頂嵒磴丹穴開  
 傍薄翠螭並渾渾玉在璞庚庚金出礦寧支織女機孰作補  
 天餅屑屢若負力擁腫或病瘦蜀圖雄八陣周象重九鼎鯨  
 駭昆明池連表泰華井來儀欲巢閣覽德久延頸架海功莫  
 神沈郢恐未醒山花雜五色祥雲覆千頃金鵲徒為瑞雨燕  
 漫飛影鐵崖鐵作心吐句何奇警寄語山中人詩法當造請  
 明夏原吉登玉峯崑阜遙看小一卷登臨渾欲接青天神鍾  
 二陸人才秀勢壓三吳地位偏巖溜下通僧舍井林霏近雜  
 市塵烟幾時重著登山屐來訪當年種玉仙本朝歸藉馬  
 鞍山馬鞍特陡拔西北倚崑城勢壓婁江近疆連茂苑平崇  
 岡仍坦迤絕巘自崢嶸梵宇林端出浮圖雲外擎危崖森古  
 木曠域麗雕甍湖蕩千舟網原田萬耦耕憑高從野客搜穴  
 待山精巖空生奇石玲瓏類斲成室中髹几供花下古盆盛  
 往代多人物先朝益挺生文莊勲絕大恭靖望九清理學莊  
 渠著文章太僕名皇輿當敗績臣節競垂聲不是憑靈秀安  
 能產俊英勝區傳自古美景廢於兵邱壑原無改樓臺半已  
 傾名山多寄跡卷石且娛情自少攜尊數雖衰振屐輕林花  
 然驟雨谷鳥喚新晴乘此探幽好兼之眺遠明桃源窺洞窄  
 鳳石叩聲鏗文筆峯千尺玉泉井一泓陽城春水闊秦柱暮

雲橫城市雖難隱  
崑巒孰與爭殘陽  
扶杖送皓月倚樓  
迎林下宜碁局花  
閒稱酒觥山形同  
立馬人意似懸旌  
白笑空飄泊窮年  
何所營

趙靈山 盧志作趙靈山 在縣西南三十里吳淞江南高一丈五尺蓋土

山也

秦柱山在縣南三十里千墩浦寰宇記山南帶海上有烽火樓

基吳時以望海寇吳錄一名秦望山輿地志秦始皇嘗登此

望海故名

按圖經秦望山在海鹽縣今此山高二丈去海甚遠豈能望之舊志謂望祭名也或始皇登此以望祭於海故傳會之歟

千墩在縣東南三十六里泖川鄉盧志松江自吳門東下至此

江之南北凡有千墩故名或云其北有地名木瓜凡墩九百

九十有九合此為千墩永樂初大理少卿袁復浚千墩浦鄉

民便之易名少卿墩

新陽縣

卜山一名南山在縣西一里馬鞍山南周百步高三丈上有唐

卜將軍廟

高墟山 俗名黃泥山 在縣西十五里朱塘鄉廣圍一里高數丈上有

大石

媧婦山在縣東十八里大泗邨周迴四十步高一丈五尺

東山在縣東南十五里車塘里能仁寺後高二丈宋范良遂築

墨莊亭讀書其上

綽墩在縣西十八里朱塘鄉廣袤半里相傳唐黃幡綽葬此  
天女墩在縣東南十八里洪莊邨相傳有天子之女葬此莫詳  
世代

按舊志所載崑新二縣墩墟甚多今姑存一二有名者餘俱土阜不備錄

常熟縣

虞山在縣治西北一里高一百六十丈長十八里周四十六里  
六十步山海經注謂之烏目山越絕書謂之虞山晉太康二  
年改爲海嵎以其東臨滄海也盧鎮琴川志括地志曰海禺吳郡志曰海虞續志則曰海巫祥符圖經及續記皆曰海嵎爲名不一至虞山之得名慶元志引陸澄吳地記謂本吳之虞鄉孫權置虞農都尉於此山因以名然吳越春秋載吳太子娶齊女病而死曰必葬我虞山之巔以望齊國越絕書虞山巫咸所居則虞山之名吳

越時已有之竊詳此恐因虞仲得名按史記仲雍奔吳而葬此山之上或者因以名其山史有兩虞仲一字仲雍爲吳始祖一周章之弟封於虞亦曰虞仲周章都安邑稱曰虞城則仲雍所居稱曰虞山理或有之山多巉巖深

澗迤邐起伏宛如臥龍隨處望之形勢各異陸道瞻吳地記  
海虞縣北六里有虞山蓋舊時城枕山麓山南北道皆在城  
外自改廓邑城環嶺爲垣粉堞如帶界破山色而奇峯秀石  
分勝於百雉之內外矣峙山脊而爲門者曰鎮山門門久其附塞  
在城內東麓有影娥川卽琴川發源處由川畔而登向有館  
月亭半山亭遺跡皆無考石楔巋然者爲子游墓西爲仲雍  
墓西而最高者爲齊女墓俗名馬婆墩明嘉靖時建達觀亭其上  
萬歷間更名辛峯西北有池曰興賢池上有極目亭今俱廢

亭右有仙人洞洞口刻昭明洞天四字稍南為乾元宮宮前雪井係申

元道所鑿斗折而下為小武當大石山房石間有泉曰設茶

前為東嶽行祠迤邐而東舊有凌虛臺煮石山房來雲堂朗

吟莞爾雅集諸亭下為致道觀後有丹井東北為虞山書院

左有昭明讀書臺詳見古蹟臺側有池即焦尾溪之源池畔有石

梅澗澗東有初平石所謂幽坡也其在城外從鎮山門歷岡

脊而西至維摩寺稍北山腰石屋下覆數人中吳紀聞謂太

公隱東海居此旁有石洞將雨輒出雲氣行二餘里抵見海

亭即望海墩西為拂水禪院前即拂水巖下臨山阿崖壁峭立懸

瀑兩石間迎風激而倒濺最為奇勝迤東南有三沓石上如

舟中如几下如斛連架中虛又有劔門崖裂如劔劈自此以

西若觀音巖鶉鴿峯周家巖楊家巖形勢不下劔門沓石山

巔堆垤纍纍而募旗墩最高西有演武場蓋張氏駐兵守望

處墩側石壇在焉其道南出阜城門為山陽城隈不半里有

吳王廟榜曰虞山第一峯又西為吾谷為高道山居有石泉

名高道泉舊志光淥亭谷林劔溪亭俱無考從此抵錦峯登

拂水之梯磴有龜沫泉又西至寶巖灣再西而落星港近接

湖橋北道出鎮江門為山陰迤北而上抵普仁禪院東有天

潭谷下為桃源澗旁峙石壁鑄飛寒二大字明漢陽知府孫克弘隸書又

有桃源洞即徐洪隱處西北過白蟾洞歷舜井至破山有與

福寺寺臨破龍澗亦名鬪龍澗昔有高僧講經山中一老翁日來聽講問之曰吾乃龍也

僧因誦揭諦咒龍現本形與僧鬪不勝破其山而去旁有朱砂洞白蓮池下有三角池

又西有五丈石龜巖西北五里踰齊女峯至頂山有龍母峯

山腰龍母墓白龍池在焉去百步有瑞石偉甚石底懸瀑如

簾為水簾洞水之委由翠珉橋下注曰頂山澗又有烏目澗

琴川志慶元志引山海經注曰隅山即烏目山按吳地志海虞山北有烏目山今頂山之南有烏目山界於山有烏目澗

龔立本縣志今有指城西土阜為烏目者誤也鐵山澗迤東為中峯陟九里陂抵清

涼禪寺為三峯又西曰秦坡澗出山里許為藤溪溪南崖有

青石澗北有石洞曰冽泉上即石城峯磊砢峭拔與昭明所

記不誣其後有小山高十七丈周四里一百步與虞山脉勢

相連而中隔一水

宋林逋中峯中峯一徑分盤折上幽雲夕照全邨見秋濤隔嶺聞長松含古翠衰藥

尚微熏自愛蘇門嘯懷賢事不羣元張簡破山澗上聽水破

山龍去雨初歇坐聽飛泉濺石崗萬壑風雷喧地軸九秋雲

露瀉天潢好從細草陳瑤席更趁飛花送羽觴飲犢上流奔

軼者何年來此結茅堂高翥破山古縣滄浪外精藍縹緲閒

木枯曾閱世龍老解分山鳥道秋迷跡禪房晝掩關詩成游

子去流水自潺湲明林大同拂水巖西巖青插天飛泉遠相

繆南風怒披拂激石使倒流出峽垂白虹晴雨珠璣浮餘波

落青澗含潤滋林邱沛澤嗟未廣素心當何酬安得從飛龍

為霖遍九州周忱虞山晴登孤嶂俯郊原指點東南遠近邨

齊女廟荒枯樹老言游祠古斷碑存一泓白水通湖口幾點

青山近海門此地舊傳多勝蹟重來期與故人論沈周拂水

巖只有看山是勝緣青鞋布韞且輕便天收雨脚餘今日我

趁花時遣老年絕壁雲扶將墮石豁崖風勒下奔泉此來不

鶯聲挂柳條今夜東堂誰是主抱琴僧渡夕陽舫皇甫湜晚  
 次虞山清溪杳無際望望溯行舟海縣雲歸市山城樹滿樓  
 桂餘投級興菊近授衣秋夜發東林磬冷然破客愁沈以潛  
 過海虞吳下琴川古有名放舟落日偶經行七溪流水皆通  
 海十里青山半入城齊女墓荒秋草色言公家在舊琴聲我  
 來正值中秋夜一路哦詩看月明本朝錢謙益拂水巖拂  
 水高巖近斗魁下臨沓石倚崔嵬漏穿嵐彩晴飛雨噴薄泉  
 流蟄起雷嶺駐龍車雲滃鬱峯邀蟾駕月低迴綠章擬奏三  
 階事午夜懸崖禮上台拂水懸流萬壑連空山一夜響飛泉  
 奔爲匹練垂三沓挽作銀河向九天風急蛟龍看噴灑月明  
 琴筑聽潺湲老農未辦爲霖手抱甕朝來省灌田吳偉業三  
 峯秋曉曉色諸天近霜空萬象懸雞聲松頂日僧語石房煙  
 清磬秀羣木幽花香一泉欲參黃蘗義便向此中傳彭孫通  
 春暮游虞山春山百疊倚晴空應接峯巒路不窮僧舍半開  
 紅雨外女牆長在翠微中全吳地盡雲依水平楚  
 天低草颭風暫得登臨當暇日勝遊知復幾人同

福山在縣北四十里高九十五丈周五里本名覆釜山其形似

也唐天寶六載改名金鳳山梁乾化三年改今名山俯臨大

江與通州狼山相望境特雄勝蓋東南扼要之地云

壽山亦名陶山在縣北四十里與福山相連屬北濱大江橫亘  
 無峯

河陽山在縣西北四十五里高一百二十丈周七里一名鳳凰

山上有秀峯有石井嘗出醴泉又有梁時古檜及唐狀元陸

器讀書臺元楊維禎游秀峯河陽山色畫圖開絕壑懸崖亦

壯哉華表不聞仙鶴語醴泉曾引鳳凰來玉魚金

崇德山在縣西北三十八里河陽山南高六十五丈周七里一

名塔山塔亦又名墮山俗名箬舊經晉處士夏統宣城太守

郗臻嘗居此

志山在縣西五十里高九十丈周四里與河陽山對峙盧志近歲邨民

鑿池得唐時墓中斷碑云葬於鷺山之下則志當作鷺

小竹山在縣北四十一里高五十丈周三百步

茅家山在縣北四十里

范山在縣北三十六里高七十四丈周二里與福山相近舊經

梁范冀兄弟同居此山故名一云即永安山

常熟山在縣北三十七里高一百五丈周七里本名銅官山或云

銅觀唐天寶六載改今名

石家山在縣北三十七里常熟山北高五十七丈周二里

茯苓山在縣西北六十五里慶安鎮高數丈周三百步下有龍

潭石闌猶存相傳舊產茯苓故名

宛山

或作苑

在縣西南五十里高四十丈周五里產石堅潤可為

硯頂有石塔顧大棟建名保親塔

顧山即靈龜山在縣西北五十里高一百七十丈周二十一里

東南屬本縣西南屬無錫西屬江陰俗呼三界山亦曰香山

塢邱山在縣東南二十七里去昆承湖三里或作塢山


黃土山在縣南二十里四十四都魏涇橋南以上二山皆土阜

吳江縣

陸墓山在縣西北相傳陸雲公葬處山由吳縣橫山山脉委迤

成隴三面環山一面臨湖

龐山在縣東南三里相傳古有土堆高數丈橫亘百餘畝宋時  
 取土修塘因開墾成地今其地猶高仍稱龐山其北即龐山  
 湖



蘇州府志卷第四

文化乙丑



